



Nàiseanta 5
Sònachadh
Cùrsa



Gníomhachas Matamataigs Nàiseanta 5

Còd cùrsa:	C873 75
Còd measaidh cùrsa:	X873 75
SCQF:	ìre 5 (24 puing creideis SCQF)
Dligheach bho:	seisean 2023–24

Tha an sònachadh cùrsa a' solarachadh mion-fhiosrachadh mun chùrsa agus measadh cùrsa gus dèanamh cinnteach à measadh cunbalach is fosgarra bliadhna an dèidh bliadhna. Tha e a' toirt iomradh air structar is measadh a' chùrsa a thaobh nan sgilean, eòlas is tuigse a thathar a' measadh.

Tha an sgrìobhainn seo do thidsearan is òraidichean agus tha am fiosrachadh do-sheachanta uile ann a dh'fheumas tu airson an cùrsa a libhrigeadh.

An t-eagran seo: An Cèitean 2023, tionndadh 3.0

© Ùghdarris Theisteanas na h-Alba 2012, 2017, 2023

Clàr-innse

Tar-shealladh càrsa	1
Feallsanachd a' chùrsa	2
Adhbhar agus amasan	2
Cò dha a tha an càrsa seo?	3
Susbaint a' chùrsa	4
Sgilean, eòlas agus tuigse	4
Sgilean ionnsachaidh, beatha agus obrach	10
Measadh càrsa	11
Structar measaidh càrsa	11
Rangachadh	13
Co-ionannachd is In-ghabhaltais	14
Tuilleadh fiosrachaidh	15
Eàrr-ràdh 1: notaichean taic càrsa	16
Ro-ràdh	16
Modhan-obrach ionnsachaidh is teagaisg	16
Làraich-lìn fheumail	24
Ullachadh airson measadh càrsa	25
Leasachadh sgilean ionnsachaidh, sgilean beatha agus sgilean obrach	26
Eàrr-ràdh 2: sgilean, eòlas agus tuigse le co-theacsainean ionnsachaidh is teagaisg molta	29
Eàrr-ràdh 3: eisimpleirean a bharrachd de cho-theacsainean ionnsachaidh agus teagaisg	46
Eàrr-ràdh 4: fiosrachadh pàipear cheistean	54

Tar-shealladh càrsa

Tha an càrsa air a dhèanamh suas à 24 puing creideis SCQF, a' gabhail a-steach ùine ullachaидh airson measadh càrsa. 'S e 160 uair a thìde an ùine bheachdach airson tagraiche crìoch a chur air a' chùrsa.

Tha dà cho-phàirt ann am measadh càrsa.

Pàrt	Comharran	Ùine
Pàipear cheistean 1 (gun àireamhair)	35	50 mionaidean
Pàipear cheistean 2	55	1 uair agus 40 mionaidean

Inntrigeadh molta	Adhartas
<p>Tha inntrigeadh don chùrsa seo mar as roghnach leis an ionad.</p> <p>Bu chòir do thagraichean a bhith air an ceathramh ìre den churraicealam a choileanadh no càrsa matamataig Nàiseanta 4 Gníomhachas Matamataigs no teisteanasan co-ionann agus/no eòlas ro thoiseach a' chùrsa.</p>	<ul style="list-style-type: none">◆ teisteanasan eile ann am matamataig no raointean co-cheangailte, me càrsaichean Sgilean airson Obair, Duaisean Adhartais Nàiseanta, Duaisean Buidhne Theisteanas Nàiseanta◆ ionnsachadh, cosnadh no trèanadh a bharrachd

Cumhaicheadh duaise

Tha an ìre buileachaидh stèidhichte air na comharran iomlan a chaidh a chosnadh tarsainn nam páritean uile sa mheasadh càrsa.

Tha coileanadh air a' chùrsa seo a' buileachadh teisteanachadh fèin-obrachail den Phrìomh Sgil a leanas:

- ◆ Àireamhachd aig ìre 5 SCQF

Feallsanachd a' chùrsa

Tha na Cùrsaichean Nàiseanta a' nochdad luachan, adhbharan is prionnsapalan a' Churraicealaim airson Sàr-mhathais. Tha iad a' tairgsinn sùbailteachd, a' solarachadh barrachd üine airson ionnsachadh, barrachd fòcas air sgilean agus a' cur ionnsachadh an sàs, agus àite airson pearsanachadh is roghainn.

Tha gach cùrsa a' solarachadh chothroman do thagraichean gu leud, dùbhlan agus co-chur a leasachadh. Tha cuimse is cothromachd measaidh air a chumadh a rèir gach raoin chuspaireil.

Tha matamataig a' tarraing luchd-ionnsachaidh de gach aois, ùidhean agus comasan. Tha ionnsachadh matamataig a' leasachadh reusanachadh loidsigeach, anailis, sgilean fuasglaidh cheistean, cruthachalachd, agus comas air smaoineachadh ann an dòighean eas-chruthach. Tha e a' cleachdadh cànan coitcheann de dh'aìreamhan is samhlaidhean, a tha a' ceadachadh dhuinn beachd-smuaintean a chonaltradh ann an dòigh sgiobalta, aon-sheaghach agus cruidh.

Tha an cùrsa Gniomhachas Matamataigs a' rannsachadh cho-churan air altan agus sgilean ann an suidheachaidhean làitheil, a' gabhail a-steach cùisean ionmhasail, staitistearachd agus tomhas. Tha na sgilean, eòlas agus tuigse sa chùrsa a' cur taic cuideachd ri ionnsachadh ann an raointean eile den churraicealam leithid teicneòlas, slàinte agus sunnd, saidheans, agus cuspairean sóisealta.

Adhbhar agus amasan

Is e an adhbhar airson a' chùrsa Gniomhachas Matamataigs, tagraichean a bhrosnachadh agus a dhùbhlanachadh le bhith gan dèanamh comasach air smaoineachadh tro shuidheachaidhean fior-bheatha anns a bheil matamataig agus plana gniomha a chruthachadh stèidhichte air loidsig.

Tha na sgilean matamataigeach taobh a-staigh a' chùrsa seo a' faotainn taic bunaiteach bho àireamhachd, agus air a dheilbh gus sgilean reusanachaidh matamataigeach thagraichean a leasachadh ann an raointean a tha buntainneach do ionnsachadh, beatha agus obair. Tha an cùrsa ag amas air:

- ◆ tagraichean a bhrosnachadh agus a dhùbhlanachadh le bhith gan dèanamh comasach air dòighean matamataigeach a thaghadh agus a cho-chur ann am measgachadh de shuidheachaidhean fior-bheatha
- ◆ comas a leasachadh air ceistean no suidheachaidhean fior-bheatha a mhion-sgrùudadh le cuid de fheartan toinnte co-cheangailte ri matamataig
- ◆ misneachad sa chuspair agus seasamh deimhinneach a leasachadh a dh'ionnsaigh cleachdadh air matamataig ann an suidheachaidhean fior-bheatha
- ◆ comas a leasachadh air sgilean obrachaidd matamataig a thaghadh, a cho-chur, a cho-cheangal agus atharrachadh gu suidheachaidhean ùra agus neo-aithnichte ann am beatha agus obair, gu ìre iomchaidh de mhionaideachd

- ◆ comas a leasachadh air sgilean reusanachaidh matamataigeach a chleachdad airson coitcheannadh, argamaidean a thogail, tighinn gu co-dhùnaidhean loidsigeach, cunnart a mheasadh, agus co-dhùnaidhean fiosraichte a ruighinn
- ◆ comas a leasachadh air raon de sgilean matamataigeach a chleachdad airson raon de fhiosrachadh a mhion-sgrùdadh, eadar-mhìneachadh agus a thaisbeanadh
- ◆ comas a leasachadh air fiosrachadh matamataigeach a chonaltradh ann am measgachadh de chruthan
- ◆ comas air smaoineachadh gu cruthachail agus ann an dòigh eas-chruthach a leasachadh

Cò dha a tha an càrsa seo?

'S e càrsa freagarrach do luchd-ionnsachaidh a tha seo, a tha air a' cheathramh ìre de ionnsachadh a choileanadh tarsainn eòlasan agus builean matamataig ann am foghlam farsaing coitcheann, no a tha air càrsa Matamataig Nàiseanta 4 a choileanadh, no aig a bheil teisteanasan no eòlas co-ionann.

Tha an càrsa seo gu h-àraig freagarrach do luchd-ionnsachaidh a tha airson an sgilean reusanachaidh matamataigeach is àireamhach a leasachadh, a tha feumail ann an raointeann eile den churraicealam agus àiteachan-obrach.

Susbaint a' chùrsa

Tron chùrsa seo, tha tagraichean a' togail agus a' cur an sàs sgilean obrachail a tha riatanach airson fuasgladh cheistean, tro ionnsachadh air a stiùireadh tro cho-chur. Tro cho-theacsainchean fior-bheatha, tha tagraichean a' togail sgilean obrachaidd matamataigeach a tha buntainneach gu dìreach do bheatha agus obair, agus ag ionnsachadh gu bhith a' tuigsinn an àite aig beachd-smuaintean matamataigeach san t-saoghal.

Tha tagraichean a' leasachadh sgilean reusanachaidh matamataigeach agus a' cosnadh eòlas air a bhith tighinn gu agus fireanachadh cho-dhùnaidhean, agus dèanamh cho-dhùnaidhean.

Sgilean, eòlas agus tuigse

Sgilean, eòlas agus tuigse don chùrsa

Tha na leanas a' solarachadh tar-shealladh farsaing air na sgilean, eòlas agus tuigse cuspaireil a tha air an leasachadh sa chùrsa:

- ◆ mion-sgrùdadhbh shuidheachaidhean fior-bheatha agus ceistean co-cheangailte ri matamataig
- ◆ comharrachadh sgilean obrachaidd dligheach matamataigeach gus dèiligeadh le suidheachaidhean no ceistean fior-bheatha
- ◆ taghadh agus cur an sàs sgilean àireamhachd
- ◆ taghadh agus cur an sàs sgilean ann an ionmhas, staitistearachd, tomhas, geoimeatraidh, dàta grafaigeach agus coltachd
- ◆ cleachdadhbh sgilean reusanachaidh matamataigeach airson a thiginn gu co-dhùnaidhean no co-dhùnaidhean fhìreanachadh
- ◆ fiosrachadh matamataigeach a chonaltradh ann an dòigh iomchaidh

Sgilean, eòlas agus tuigse airson a' mheasaidh càrsa

Tha na leanas a' nochdadhbh mion-fhiosrachadh mu sgilean, eòlas agus tuigse a chaidh a shamplachadh sa mheasadh càrsa.

Sgilean àireamhachd	
Sgilean	Mìneachadh
Taghadh agus cleachdadhbh comharrachadh àireamhach agus aonadan iomchaidh	<ul style="list-style-type: none">◆ Gabhail a-steach: =, +, -, ×, /, ÷, <, >, (), %, còilean, puing dheicheadh agus foirmlean simplidh◆ Taghadh agus cleachdadhbh aonadan iomchaidh airson airgead, uair agus tomhas (faid, cuideam, tomhas-lìonaidh agus teòthachd)

Sgilean àireamhachd	
Sgilean	Mìneachadh
Taghadh agus coileanadh àireamhachaidhean	<ul style="list-style-type: none"> ◆ Cur-ris agus toirt-air-falbh àireamhan air an toirt gu dà ionad deicheach ◆ Iomadachadh no roinn àireamh (air an toirt gu dà ionad deicheach) le àireamh slàn de aon fhigear ◆ Iomadachadh no roinn àireamh (air an toirt gu dà ionad deicheach) le iomadan de 10, 100 agus 1000 ◆ Cruinneachadh fhreagairtean gu an fhigear chudromach chomharrachte as fhaisge no trì ionadan deicheach ◆ Lorg cheudadan agus bloighean chumaidhean is uireadan ◆ Aithneachadh agus cleachdadh bhloighean measgaichte, me $3\frac{1}{2}$, $\frac{1}{3}$, $4\frac{1}{4}$, $\frac{1}{8}$, $\frac{2}{6}$ ◆ Cur-ris agus toirt-air-falbh bhloighean simplidh, me $\frac{1}{2} + \frac{1}{4}$ agus $\frac{2}{3} - \frac{1}{3}$ ◆ Lorg an àireamh de phàirtean bloigheach ann an àireamh mheasgaichte, me $2\frac{1}{2} = 5$ lethean ◆ Obrachadh a-mach meudachadh agus lùghdachadh ceudad fillte ◆ Libhrigeadh uiread mar cheudad de dh'uiread eile ◆ Iompachadh cho-ionannachdan eadar bloighean, deicheadan agus ceudadan ◆ Obrachadh a-mach luaths, uair agus astar ◆ Obrachadh a-mach tomhas-lionaich (siolandar, priosam triantanach) ◆ Obrachadh a-mach farsaingeachd (triantanan agus cumaidhean ceangailte) ◆ Obrachadh a-mach cuairt-thomhas agus cearcall-thomhas ◆ Obrachadh a-mach co-mheas a' gabhail a-steach meudan bho dhealbhan sgèile, me sgèile de 1:10 ◆ Obrachadh a-mach co-chuid dhìreach agus neo-dhìreach

Sgilean àireamhachd	
Sgilean	Mìneachadh
Clàradh thomhasan a' cleachdadhe sgèile air ionnsramaид	<ul style="list-style-type: none"> ◆ Gu an roinn neo-àireamhaichte bheag chomharrachaite as fhaisge air ionnsramaид airson faid, ceàrn, cuideam, tomhas-lionaидh agus teòthachd
Eadar-mhìneachadh thomhasan agus toraidhean àireamhachaidhean airson co- dhùnaidhean a dhèanamh	<ul style="list-style-type: none"> ◆ Comharrachadh thomhasan buntainneach agus toraidhean àireamhachaidhean airson co-dhùnadh a dhèanamh
Fìreanachadh cho-dhùnaidhean le bhith cleachdadhe toraidhean thomhasan is àireamhachaidhean	<ul style="list-style-type: none"> ◆ Cleachdadhe fianais bho thoraidhean obrachaidhean a-mach airson co-dhùnaidhean fhìreanachadh

Sgilean ionmhasail	
Sgilean	Mìneachadh
Dèanamh anailis air suidheachadh ionmhasail a' cleachdadhe fiosrachadh buidseit	<ul style="list-style-type: none"> ◆ Buidseatadh agus planadh airson cleachdadhe pearsanta no planadh tachartas ◆ Cothromachadh steach-churan agus mach-churan bho raon de stòran
Dèanamh anailis agus eadar-mhìneachadh air factaran aig a bheil buaidh air teachd-a-steach	<p>Teachd-a-steach agus toirt-air-falbh airson diofar shuidheachaidhean pearsanta is roghainnean dreuchdail. Tha iad sin a' gabhail a-steach:</p> <ul style="list-style-type: none"> ◆ pàigheadh bunasach, pàigheadh iomlan/lom ◆ còrr-ùine ◆ pàighidhean brosnachaidh, me bònas agus coimisean ◆ sochairean agus cuibhreannan ◆ Àrachas Nàiseanta ◆ cìs teachd-a-steach ◆ tabhartasan peinnsein
Dearbhagh an rèite as fheàrr	<ul style="list-style-type: none"> ◆ Dèanamh coimeas eadar co-dhiù trì nithean, le trì pìosan fiosrachaidh mu gach aon air a thoirt
Iompachadh eadar diofar ruithean-airgid	<ul style="list-style-type: none"> ◆ Iompachadh eadar ruithean-airgid taobh seach taobh; an lùib cleachdadhe air co-dhiù trì ruithean-airgid ann an gnìomh ioma-ìreil

Sgilean ionmhasail	
Sgilean	Mìneachadh
Sgrùdadh buaidh reataichean rèidhe air sàbhalaidhean agus iasadan	<p>Nam measg sin tha:</p> <ul style="list-style-type: none"> ◆ iasadan ◆ sàbhalaidhean ◆ cairtean creideis ◆ cairtean bùth ◆ aontaidhean creideis

Sgilean staitistearachd	
Sgilean	Mìneachadh
Cleachdadh measgachadh de staitistearachd gus cunnart agus a bhuaidh air beatha, a sgrùdadh	<ul style="list-style-type: none"> ◆ Cleachdadh a' cheangail eadar coltachd shìmplidh agus tricead san amharc
Cleachdadh measgachadh de dh'fiosrachadh staitistearachd air a thaisbeanadh ann an diofar dhiagraman	<ul style="list-style-type: none"> ◆ Togail, mìneachadh agus dèanamh coimeas eadar graf-bhogsaichean, grafan-sgapte agus clàran-cearcaill
Cleachdadh staitistearachd airson anailis agus coimeas a dhèanamh eadar seataichean dàta	<ul style="list-style-type: none"> ◆ Obrachadh a-mach cuibheas, meadhan, mòd, raon, raon eadar-chairtealach, agus claonadh coitcheann
Tarraing loidhne as fheàrr a fhreagras bho dhàta sònraichte	<ul style="list-style-type: none"> ◆ Dàta air a thaisbeanadh ann an cruth clàir

Sgilean tomhais	
Sgilean	Mìneachadh
Obrachadh a-mach uiread	<ul style="list-style-type: none"> ◆ Stèidhichte air dà phìos fiosrachaiddh co-cheangailte
Togail dealbh sgèile, a' gabhail a-steach taghadh sgèile	<p>Bho fiosrachadh sgrìobhte agus/no sgeidse:</p> <ul style="list-style-type: none"> ◆ loidhnichean rin tarraig agus rin tomhas gu am milimeatair as fhaisge ◆ ceàrnan rin tarraig agus rin tomhas gu a' phuing as fhaisge

Sgilean tomhais	
Sgilean	Mìneachadh
Planadh cursa maraireachd	<ul style="list-style-type: none"> ◆ Cleachdad mapa no plana sònraichte no togte ◆ Cleachdad chùrsaichean agus faid
Dèanamh pacadh soithich èifeachdach	<ul style="list-style-type: none"> ◆ Le sònraichadh nithean gu soithichean den aon mheud, gus an àireamh de shoithichean a chumail iosal
Cleachdad chlàran prìomhachais airson gnìomhan a phlanadh	<ul style="list-style-type: none"> ◆ Far an gabh cuid de ghniomhachdan an dèanamh aig an aon àm, agus gum feum feadhainn eile an dèanamh ann an sreach
Fuasgladh ceist anns a bheil làimhseachadh ùine	<ul style="list-style-type: none"> ◆ Planadh tìmeadh air gnìomhachdan le cuid de fheartan toinnte, me ag obair tarsainn sònraichean uarach
Beachdachadh air èifeachdan fulangais	<ul style="list-style-type: none"> ◆ Leis an fhulangas air a thoirt seachad, obraich a mach na criochan ◆ Le mionaideachd mhodhan dèanamh air dà cho-phàirt freagraichte, beachdachadh air buadhan co-chòrdalachd

Sgilean geoimeatrach	
Sgilean	Mìneachadh
Sgrùdadachuidheachadh anns a bheil ciasead	<ul style="list-style-type: none"> ◆ Cleachdad astaran dìreach agus astaran còmhnràid ◆ Cleachdad co-chomharran
Fuasgladh ceist anns a bheil cumadh ceangailte	<ul style="list-style-type: none"> ◆ A dh'fhaodadh a bhith a' gabhail a-steach pàirt de chearcall
Fuasgladh ceist anns a bheil tomhas-lionaidh teann-stuth ceangailte	<ul style="list-style-type: none"> ◆ Gabhail a-steach pàirtean bloigheach sìmplidh de theann-stuthan
Cleachdadach teòram Pythagoras	<ul style="list-style-type: none"> ◆ Taobh a-staigh àireamhachadh dà-ireil

Dàta grafaigeach agus sgilean coltachd

Sgilean	Mìneachadh
Às-tharraing agus eadar-mhìneachadh dàta bho dhiofar chruthan grafaigeach	<p>Tha seo a' gabhail a-steach:</p> <ul style="list-style-type: none"> ◆ clàran le co-dhiù còig seòrsaichean fiosrachaидh ◆ cairtean far nach eil na luachan uile air an toirt seachad no far nach eil an sgèile faicsinneach, me clàr cholbhan coimeasach/fillte ◆ grafaichean far a bheil pàirt den axis a dhìth no far nach eil an sgèile faicsinneach, me graf loidhne iompachaидh ◆ diagraman, me clàr-dhealbhan, gas is duilleag, diagram-sgapte no mapa
Dèanamh agus fireanachadh cho-dhùnайдhean a' cleachdadhbh fianais bhon eadar-mhìneachadh air dàta	<ul style="list-style-type: none"> ◆ Dèanamh cho-dhùnайдhean stèidhichte air phàtrain, gluasadan no dàimhean ann an dàta ◆ Cleachdadhbh fianais bhon eadar-mhìneachadh air dàta airson co-dhùnайдhean fhìreanachadh ◆ Tuigsinn buaidhean claon-bhàidh agus meud sampaill
Dèanamh agus fireanachadh cho-dhùnайдhean stèidhichte air coltachd	<ul style="list-style-type: none"> ◆ Aithneachadh phàtrain, ghluasadan agus dhàimhean agus gan cleachdadhbh airson aithris air coltachd tachartas a bhith a' gabhail àite ◆ Cleachdadhbh fianais bhon eadar-mhìneachadh air coltachd airson co-dhùnайдhean fhìreanachadh ◆ Dèanamh anailis air coltachd thachartasan cothlamaichte, a' comharrachadh èifeachdan claon-bhàidh agus toirt iomradh air coltachd tro chleachdadhbh air ceudadan, deicheadan, bloighean agus co-mheas airson co-dhùnайдhean a dhèanamh agus fhìreanachadh

Tha sgilean, eòlas agus tuigse sa chùrsa iomchaidh don Ire SCQF den chùrsa. Tha tuairisgeulan ire SCQF a' toirt barrachd fiosrachaидh air feartan agus an coileanadh a thathar a' sùileachadh aig gach ire SCQF (www.scqf.org.uk).

Sgilean ionnsachaidh, beatha agus obrach

Tha an càrsa seo a' cuideachadh thagraichean sgilean farsaing coitcheann a leasachadh.

Tha na sgilean sin stèidhichte air [Frèam Sgilean SQA: Sgilean Ionnsachaidh, Sgilean Beatha agus Sqilean Obrach](#) agus a' tarraing bho na priomh raointean sgilean a leanas:

2 Àireamhachd

- 2.1 Pròiseasan àireamhan
- 2.2 Airgead, uair agus tomhas
- 2.3 Làimhseachadh fiosrachaidh

5 Sgilean smaoineachaidh

- 5.3 Co-chur
- 5.4 Mion-sgrùdadh agus luachadh

Feumaidh na sgilean sin a bhith air an togail a-steach don chàrsa far a bheil cothroman iomchaidh ann agus bu chòir an ìre a bhith iomchaidh do dh'ìre a' chàrsa.

Tha tuilleadh fiosrachaidh air togail sgilean airson ionnsachadh, sgilean airson beatha agus sgilean airson obair, rim faotainn ann an notaichean taic a' chàrsa.

Measadh cursa

Tha measadh cursa stèidhichte air an fhirosrachadh a gheibhear san sgrìobhainn seo.

Tha am measadh cursa a' coileanadh prìomh adhbharan is amasan a' chùrsa, tro dhèiligeadh le:

- ◆ leud — tarraing air eòlas agus sgilean bho tharsainn a' chùrsa
- ◆ dùbhlann — ag iarraidh barrachd doimhneachd no leudachaидh air eòlas agus/no sgilean
- ◆ co-chur — ag iarraidh co-chur air eòlas agus/no sgilean ann an co-theacsائichean practaigeach no teòridheach, mar a bhios iomchaidh

Tha seo ga dhèanamh comasach do thagraichean:

- ◆ sgilean obrachaidh matamataigeach a thaisbeanadh
- ◆ suidheachaidhean agus ceistean fior-bheatha a mhion-sgrùdadh agus eadar-mhìneachadh co-cheangailte ri matamataig ann an suidheachaidhean ùra is neo-aithnichte
- ◆ sgilean obrachaidh matamataigeach a thaghadh agus amalachadh bho tharsainn a' chùrsa gus dèiligeadh le suidheachaidhean no ceistean fior-bheatha
- ◆ raon de sgilean obrachaidh matamataigeach a cho-chur gu ìre mionaideachd iomchaidh le agus às aonais àireamhair
- ◆ sgilean reusanachaidh matamataigeach a chleachdad airson co-dhùnaidhean a ruighinn no co-dhùnaidhean fhìreanachadh
- ◆ fiosrachadh matamataigeach a chonaltradh ann an dòigh iomchaidh

Structar measaidh cursa

Pàipear cheistean 1 (gun àireamhair)

35 comharra

Is e adhbhar a' phàipeir seo, ceadachadh do thagraichean co-chur air sgilean, eòlas agus tuigse mhatamataigeach a thaisbeanadh, bho tharsainn a' chùrsa. Chan fhaodar àireamhair a chleachdad.

Tha am pàipear cheistean seo a' toirt cothrom do thagraichean tuigse do raon de sgilean matamataigeach a thaisbeanadh, agus an taghadh, an co-chur agus an cothlamachadh airson obrachaidhean a-mach a choileanadh. Tha cothroman aig tagraichean cuideachd sgilean a thaisbeanadh ann an eadar-mhìneachadh agus taisbeanadh fiosrachaidh.

Tha 35 comharra aig a' phàipear seo a-mach à iomlan de 90 comharra.

Tha e air a dhèanamh suas de cheistean geàrr-fhreagairt is freagairtean leudaichte, leis a' mhòr-chuid dhiubh ann an co-theacsa.

Seatadh, stiùireadh agus comharrachadh pàipear cheistean 1 (neo-àireamhair)

Tha am pàipear cheistean seo air a sheatadh is air a chomharrachadh le SQA, agus air a stiùireadh ann an ionadan fo shuidheachaidhean a tha air an sònrrachadh airson deuchainnean air an taobh a-muigh le SQA.

Tha aig tagraichean ri seo a chrìochnachadh ann an 50 mionaidean.

Pàipear cheistean 2

55 comharra

Is e adhbhar a' phàipeir cheistean seo, ceadachadh do thagraichean co-chur air sgilean matamataigeach, eòlas agus tuigse a thaisbeannadh bho tharsainn a' chùrsa. Faodar àireamhair a chleachdad.

Tha am pàipear cheistean seo a' toirt cothrom do thagraichean ceistean no suidheachaidhean fiòr-bheatha eadar-mhìneachadh agus a mhion-sgrùdadh, ro-innleachdan iomchaidh a thaghadh, àireamhachaidhean a choileanadh, tighinn gu co-dhùnaidhean dligheach no co-dhùnaidhean fhìreanachadh.

Tha 55 comharra aig a' phàipear seo a-mach à iomlan de 90 comharra.

Tha e air a dhèanamh suas de cheistean geàrr-fhreagairt, freagairtean leudaichte agus sgrùdaidhean cùise, leis a' mhòr-chuid dhiubh ann an co-theacsá.

Seatadh, stiùireadh agus comharrachadh pàipear cheistean 2

Tha am pàipear cheistean seo air a sheatadh 's air a chomharrachadh le SQA, agus air a stiùireadh ann an ionadan fo shuidheachaidhean a tha air an sònrrachadh airson deuchainnean air an taobh a-muigh le SQA.

Tha aig tagraichean ri seo a chrìochnachadh ann an 1 uair agus 40 mionaidean (a' gabhail a-steach ùine airson fiosrachadh sgrùdadh cùise a leughadh agus a ghabhail a-steach).

Tha sampaill de phàipearan ceist airson cùrsaichean Nàiseanta 5 air am foillseachadh air làrach-lin SQA. Tha iad sin a' taisbeannadh ìre, structar agus riatanasan nam pàipearan ceist a bhios tagraichean a' suidhe. Tha na pàipearan sampaill cuideachd a' gabhail a-steach nan stiùridhean comharrachaidh.

Rangachadh

Tha tomhas-ìre iomlan an tagraiche air a dhearbhadh tro an coileanadh tarsainn measadh a' chùrsa. Tha am measadh cursa air a rangachadh A–D air bhunait a' chomharra iomlan do na pàirtean uile den mheasadh cursa.

Tuairisgeul ìre do C

Airson ìre C a buhiveachadh, bidh tagraichean gu h-àbhaisteach air coileanadh soirbheachail a thaisbeanadh a thaobh sgilean, eòlas agus tuigse airson a' chùrsa.

Tuairisgeul ìre do A

Airson ìre A a buhiveachadh, bidh tagraichean gu h-àbhaisteach air cunbalachd ann an coileanadh ìre àrd a thaisbeanadh, a thaobh sgilean, eòlas agus tuigse airson a' chùrsa.

Co-ionannachd is In-ghabhalas

Tha an càrsa seo air a dheilbh gu bhith cho cothromach agus cho ruigsinneach 's a ghabhas, gun bhacaidhean neo-riatanach sam bith gu ionnsachadh no measadh.

Airson stiùireadh air rèiteachaidhean measaidh do thagraichean ciorramach agus/no iadsan le feumalachdan taic a bharrachd, leanaibh an ceangal gu duilleag lin nan rèiteachaidhean measaidh: www.sqa.org.uk/assessmentarrangements.

Tuilleadh fiosrachaidh

Tha na sgrìobhainnean iomraidh a leanas a' solarachadh fiosrachadh agus cùl-raon feumail.

- ◆ [Pàipear cuspair Gníomhachas Matamataigs Nàiseanta 5](#)
- ◆ [Duilleag lìn rèiteachaidhean measaidh](#)
- ◆ [Togail a' Churraicealaim 3–5](#)
- ◆ [Prionnsapalan Deilbh do Chùrsaichean Nàiseanta](#)
- ◆ [Stiùireadh airson Measadh](#)
- ◆ [Frèam-obrach SCQF agus tuairisgeulaichean ìre SCQF](#)
- ◆ [Leabhar-làimhe SCQF](#)
- ◆ [Frèam-obrach sgilean SQA: Sgilean Ionnsachaidh, Sgilean Beatha agus Sgilean Obrach](#)
- ◆ [Ùghdarrachd obair-cùrsa: lul do Thidsearan is Oraidichean](#)
- ◆ [Aithisgean Rannsachadh Foghlaim](#)
- ◆ [Stiùireadh SQA air e-measadh do Sgoiltean](#)
- ◆ [Duilleag eadar-lìn e-measadh SQA](#)

Eàrr-ràdh 1: notaichean taic càrsa

Ro-ràdh

Chan eil na notaichean taic seo àithnteil. Tha iad a' toirt seachad comhairle is stiùireadh do thidsearan is òraideachan a thaobh mhodhan-obrach libhrigidh air a' chùrsa. Bu chòir an leughadh còmhla ris an t-sònrrachadh càrsa seo agus ris an t-sampall den phàipear cheistean.

Modhan-obrach ionnsachaidh is teagaisg

Is e adhbhar na h-earrainn seo comhairle is stiùireadh coitcheann a sholarachadh air modhan-obrach ionnsachaidh is teagaisg tarsainn a' chùrsa.

Tha fòcas a' chùrsa seo a tha stèidhichte air sgilean, gu furasta a' toirt cothrom air measgachadh de mhodhan-obrach a thaobh ionnsachadh agus teagasg a chleachdad, leithid:

- ◆ Ionnsachadh eadar-chuspaireil
- ◆ cothroman tar-churraicealach
- ◆ modhan sgrrùdail agus fuasgladh cheistean
- ◆ gniomhadh co-obrachail
- ◆ ionnsachadh stèidhichte air stòras
- ◆ e-ionnsachadh

Tha eisimpleirean de mar a dh'fhaodadh na modhan-obrach sin an cleachdad, air an iomradh gu h-ìosal.

Ionnsachadh eadar-chuspaireil

Dh'fhaodadh ionnsachadh eadar-chuspaireil a bhith air a chleachdad gus sgilean matamataigeach thagraichean a leasachadh tro thachartasan clàraichte no speisealta tron bhliadhna. Tha iomradh air cuid de dh'eisimpleirean gu h-ìosal.

Fèilltean malaир no tachartasan urrasaichte

Dh'fhaodadh tagraichean:

- ◆ dàta a thional, a chlàradh agus eadar-mhìneachadh leithid teachd-a-steach agus caiteachas, no toraidhean bho thachartasan urrasaichte a' gabhail a-steach an t-sùim airgid air a ghealltann agus an uair sin air a chruinneachadh
- ◆ dàta ionmhasail a riochdachadh ann an cruth grafaigeach agus a mhion-sgrùdadh gus an uiread prothaid agus/no call a stèidheachadh no mar a tha an sùim airgid a chaidh a ghealltann ann an coimeas ris an airgead a chaidh a chruinneachadh
- ◆ coileanaidhean ann an tachartasan urrasaichte taobh a-staigh na sgoile/colaiste, a thomhas
- ◆ coltachd a chleachdad gus na sùimean airgid san amharc ri thogail, a thuairmseadh

- ◆ an eòlas air coltachd a chleachdad gus co-dhùnadh am bu chòir tachartasan an ruith san àm ri teachd agus an co-dhùnadh sin fhìreanachadh le fianais bho an àireamhachaidhean

Cuirmean, taisbeanaidhean agus dealbhan-cluiche

Dh'fhaodadh tagraichead:

- ◆ ionmhas bho reic thiogaidean agus cosgaisean riochdachaidd a stiùireadh, ie ag obair taobh a-staigh buidseat agus dearbhadh ruigsinneachd air propaichean, uidheam no biadh
- ◆ na stanndan stèidse/taisbeanaidh a stiùireadh le bhith ag eagrachadh suidheachadh agus meud phropoichean, àirneis no uidheam – dh'fhaodadh dealbhan sgèile an tarraig agus an cleachdad airson an adhbhair seo.
- ◆ tachartasan a phlanadh a' cleachdad chlàran priomhachais
- ◆ timeadh thachartasan a stiùireadh, a' cleachdad innealan tìmidh iomchaidh

Làithean spòrs

Dh'fhaodadh tagraichead:

- ◆ tomhasan a ghabhail agus toraidhean thachartasan a chlàradh – dh'fhaodadh na toraidhean sin a bhith air an riochdachadh ann an raon de chruthan diofraichte grafaigeach agus buaidhean fulangais a dheasbad
- ◆ dàta a chleachdad gus cuibheas sgòran obrachadh a-mach no an raon de thoraidhean airson tachertas sònraichte, agus iad sin eadar-mhìneachadh mar phàirt de dh'iomradh sgrìobhte às déidh an tachartais
- ◆ coltachd ro-innse air sgioba no neach fa leth tachertas a bhuanachadh, a' cleachdad nan toraidhean bho thachartasan spòrs roimhe
- ◆ cleachdad air farsaingeachd agus stèidheachadh air uidheam a phlanadh airson tachartasan
- ◆ toraidhean spòrs eadar-mhìneachadh agus aithris a ghabhail a-steach do dh'iomradh sgrìobhte air an tachertas
- ◆ coimeas a dhèanamh air coileanaidhean agus co-dhùnaidhean a dhèanamh mu cò air bu chòir duaisean a bhuileachadh — dh'fhaodadh fireanachadh airson duaisean a bhith stèidhichte air an dàta a chaidh a thional

Òraidichean tadhall, tadhalan a-muigh no greis gnìomhachais

Dh'fhaodadh tagraichead:

- ◆ faicinn mar a tha àireamhachd, ionmhas, staitistearachd, geoimeatraidh agus tomhasan air an cleachdad ann an diofar obraichean taobh a-staigh, mar eisimpleir, roinn na slàinte, na poilis, na feachdan armaichte, coidseadh spòrs, einnseanaireachd, ailtireachd, an gnìomhachas togail, cunntasachd, reic, agus an roinn lùtha
- ◆ raon de dh'àireamhachaidhean a choileanadh, a tha gu h-àbhaisteach air an cleachdad ann an suidheachaidhean àite-obrach

Tursan sgoile, cuairtean no obair saor-thoileach

Dh'haodadh tagraichean:

- ◆ sgilean matamataigeach a chleachdadhe ann am measgachadh de cho-theacsaichean mar ionadan foghlaim a' bhlàir a-muigh, tursan ionnsachaidh, tadhalan gu taigheantasgaidh, tadhalan gu companaidhean ionadail
- ◆ timidhean airson tursan sgoile eadar-nàiseanta obrachadh a-mach tarsainn sònaichean uarach agus iompachadh eadar diofar ruithean-airgid a' cleachdadhe diofar chompanaidhean gus an rèite as fheàrr obrachadh a-mach

Cothroman tar-churraicealach

Dh'haodadh cuspairean no tèaman tar-churraicealach an cleachdadhe airson togail air an dàimh eadar matamataig agus cuspairean eile no raointean curraicealaim. Tha iomradh ga thoirt air eisimpleirean de chothromam ionnsachaidh agus teagaisg san amharc, gu h-ìosal.

Teicneòlasan

Dh'haodadh tagraichean:

- ◆ nithean a dheilbh agus a dhèanamh a' cleachdadhe raon de dh'innealan agus uidheam tomhais
- ◆ stuthan a thomhas agus a chomharrachadh ann an co-rèir ri dealbhan obrach a dh'haodadh foirmlean simplidh a chleachdadhe
- ◆ sgèile a thaghadh agus dealbhan sgèile a chruthachadh de nithean a tha rin togail
- ◆ an uiread de stuthan air a bheil feum obrachadh a-mach, stèidhichte air tomhasan co-cheangailte, me farsaingeachd no tomhas-lionaidh
- ◆ buidseatadh airson triochdachadh nithean a' cleachdadhe diofar stuthan
- ◆ meudan agus sgèile eadar-mhìneachadh agus obrachadh a-mach bho dhealbhan/diagraman/ro-mheasaidhean litreachaidh agus an cur an sàs an lùib piosan obrach
- ◆ an fheum air fulangas agus mionaideachd ann an tomhas a thuigsinn, ann an deilbh agus dèanamh nithean
- ◆ nithean a dhèanamh le tomhasan sònraichte gu ìrean mìnichte de fulangas agus mionaideachd
- ◆ stiùireadh air tìmeadh ghniomhan practaigeach gu cinn-ama

Ealain agus Deilbh

Dh'fhaodadh tagraichean:

- ◆ eòlas air cumadh agus farsaingeachd a chleachdad gus modailean, dealbhan agus pàtrain a chruthachadh
- ◆ factaran sgèile a chleachdad air meudan phàtrain, dhealbhan agus mhodailean
- ◆ an uimhir de stuthan air a bheil feum obrachadh a-mach no a thuairmseadh, me an uimhir de chrèadha air a bheil feum airson ìomhaigh snaighe no an àireamh de thaidhlichean air a bheil feum airson mosàig
- ◆ eòlas air tomhas a chleachdad gus dealbhan no pàtrain a chruthachadh

Cruinn-eòlas

Dh'fhaodadh tagraichean:

- ◆ tomhasan a ghabhail agus a chlàradh air tursan ionnsachaidh a-muigh, me sampaill de thalamh agus leughaidhean aimsire
- ◆ àireamhachaidhean a dhèanamh co-cheangailte ri tomhas agus dàta grafaigeach eadar-mhìneachadh leithid clàran aimsire, mapaichean no planaichean
- ◆ dàta air a thional air tursan ionnsachaidh a-muigh, a chruinneachadh, eagrachadh, a thaisbeanadh agus a choimeasadh
- ◆ càrsa maraireachd eadar diofar phuingean a phlanadh
- ◆ sgèile a chleachdad ann an tomhas astaran air mapaichean no planaichean, a dh'fhaodadh a bhith co-cheangailte ri co-mheasan
- ◆ foirmlean simplidh a chleachdad, me airson luaths, uair agus astar obrachadh a-mach
- ◆ suidheachadh a sgrùdadh a tha an lùib caisead ann an cruinn-eòlas fiosaigeach no ann an eadar-mhìneachadh loidhnichean-àirde air mapaichean
- ◆ dàta bho thursan ionnsachaidh a-muigh a mhion-sgrùdadh gus pàtrain agus dàimhean a thuigsinn
- ◆ buaidhean claoen-bhàidh agus meud sampaill a dheasbad
- ◆ ceudadan a bheachdachadh no meudan bloigheach fearainn air an cleachdad airson adhbharan sònraichte, me taigheadas, gniomhachas no cur-seachadan – dh'fhaodadh co-mheasan agus co-chuidean an rannsachadh cuideachd
- ◆ fiosrachadh a thomhas no amharc agus a chlàradh (dh'fhaodadh buaidhean claoen-bhàidh agus meud sampaill an deasbad), me tomhas agus clàradh tomhas-lìonaidh tanca, sampaill thursan a-muigh a chruinneachadh no àirde craoibh obrachadh a-mach

Slàinte agus sunnd

Dh'fhaodadh tagraichean:

- ◆ innealan tomhais a chleachdadhe leithid sgèilichean, siugannan tomhais, tìmearan agus teas-mheidhean aig àm còcaireachd no ag ullachadh biadh
- ◆ obrachaidhean a-mach a choileanadh co-cheangailte ri riatanasan bìdh agus leubaileadh bìdh — dh'fhaodadh co-dhùnaidhean a bhith dèante gus anacothroman a cheartachadh ann an riaghait-bìdh no eacarsaich
- ◆ uiread airson reasabaidh obrachadh a-mach le fios air dà phìos fiosrachaidh, me obrachadh a-mach an uimhir ime a tha a dhìth nuair a gheibhear an uiread flùir agus siùcair, no cleachdadhe co-mheas agus co-chuid airson gritheidean
- ◆ càrsa bìdh ullachadh stèidhichte air buidseat àraighe
- ◆ an fheum air fulangas thomhasan ann an còcaireachd a thuigsinn agus buaidhean tomhais nach eil mionaideach
- ◆ an rèite as fheàrr air biadhan ro-ullaichte obrachadh a-mach stèidhichte air cosgaisean, dàta slàinte agus meud cuibhreann — dh'fhaodadh gum bi seo a' ciallachadh eacarsaich bhunasach cosgais a ghabhail os làimh gus coimeas a dhèanamh eadar cùisean mu thimcheall air biadh ùr seach biadh luath, no faotainn bhiadhan ann an seusan gu h-ionadail seach biadhan bho nas fhaide air falbh
- ◆ anailis a dhèanamh air staitistearachd slàinte agus cunnartan a sgrùdadh co-cheangailte ri roghainnean riaghait-bìdh is eacarsaich
- ◆ obrachadh le staitistearachd stoidhle-beatha air an taisbeanadh ann an diofar dhòighean, a' gabhail ri èifeachdan claoen-bhàidh san amharc, agus dèanamh roghainnean co-cheangailte ri slàinte agus sunnd

Foghlam corporra

Dh'fhaodadh tagraichean:

- ◆ coileanaidhean corporra a thomhas, toraidhean a chlàradh, a choimeasadh agus aithris do chàch ann an cruth grafaigeach
- ◆ tomhasan fallaineachd a ghabhail leithid reat cridhe agus reataichean analach agus staitistigean a chleachdadhe gus coimeas agus iomsgaradh a dhèanamh eadar toraidhean
- ◆ eòlas air matamataig, cruinn-eòlas agus foghlam corporra ann an gnìomhachdan sligheadaireachd a chothlamadh, gus tighinn gu co-dhùnaidhean co-cheangailte ri tuairmseadh astair, uair, luaths agus càrsaichean
- ◆ anailis a dhèanamh air dàta fallaineachd agus atharrachaidhean fhìreanachadh rè ùine
- ◆ loidhne den fhreagradh as fheàrr a tharraing air graf-sgapte gus caochladairean a choimeasadh
- ◆ graf-bhogsaichean a chleachdadhe gus raon, meadhan agus cairtealan airson dàta a shealltann, co-cheangailte ri staitistearachd slàinte, me cuideam, indeacs tomad bodhaig, agus reataichean cridhe aig fois

Saidheansan

Dh'fhaodadh tagraichean:

- ◆ dàta a thomhas agus a chlàradh, air a thional rè dheuchainnean saidheansail practaigeach, agus rannsachadh mar as urrainn dàta a thaisbeanadh ann an diofar dhòighean
- ◆ dàta air a thional a làimhseachadh agus a choimeasadh agus toraidhean eadar-mhìneachadh
- ◆ an uiread de shusbaint obrachadh a-mach stèidhichte air uiread co-cheangalite ann an deuchainn
- ◆ buaidh siostaman lùtha ath-nuadhachail a rannsachadh, a' cleachdadh staitistearachd
- ◆ deuchainn saidheansail a phlanadh a' cleachdadh chlàran priomhachais
- ◆ coltachd thachartasan cothlamaichte obrachadh a-mach a' cleachdadh dheuchainnean saidheansail
- ◆ àireamhachaidhean co-cheangalite ri dàta obrachadh a-mach agus dàta eadar-mhìneachadh gus co-dhùnaidhean a dhèanamh stèidhichte air toraidhean nan àireamhachaidhean sin
- ◆ claon-bhàidh a dheasbad agus buaidh meud sampaill air earbsachd dàta saidheansail
- ◆ coltachd air tachartasan cothlamaichte àite a ghabhail, obrachadh a-mach

Saidheansan sòisealta

Dh'fhaodadh tagraichean:

- ◆ cleachdadh air àireamhachd ann an gnothachas a rannsachadh
- ◆ pàirt a ghabhail ann an gnìomh iomairt agus sgilean àireamhach a leasachadh co-cheangalite ri airgead agus làimhseachadh airgid
- ◆ suidheachaidhean a chleachdadh gus prothaid agus call obrachadh a-mach agus gluasadan ann an reic a chomharrachadh
- ◆ gluasadan ann an àireamhan luchd-ceannach a chomharrachadh agus an cleachdadh airson clàr obrach no clàr stocadh innleachadh

Modhan sgrùdail agus fuasgladh cheistean

Faodaidh modhan sgrùdail agus fuasgladh cheistean cothroman a sholarachadh do thagraichean fuasglaidhean matamataigeach do cheistean fior-bheatha amharc, a rannsachadh, a dheuchainneadh agus a dheasbad.

Dh'fhaodadh tagraichean buaidh ìrean rèidhe air sàbhaladh agus gabhail air iasad le bhith rannsachadh bun-bheachdan coltachd agus anailis cunnairt. Dh'fhaodadh seo smaoineachadh matamataigeach a bhrosnachadh, gu h-àraidh nuair a tha taic bho cheasnachadh agus/no deasbad.

Dh'fhaodadh ceistean cuideachaидh an cleachdadh gus tuigse thagraichean a dhearbhadh, mar eisimpleir: ‘Dè rinn thu airson sin obrachadh a-mach?’ ‘An gabhadh a’ cheist seo obrachadh a-mach ann an dòigh eile?’ ‘Nan gabhadh, dè dhèanadh tu ann an dòigh eadar-dhealaichte?’

Obair cho-obrachail

Faodaidh modhan co-obrachail an cleachdadhe far a bheil e cuideachail suidheachaidhean fior-bheatha atharrais, gnìomhan a roinn agus sgilean obair-sgioba adhartachadh, mar eisimpleir:

- ◆ Dh'haodadh tagraichean ro-innleachd dhligheach airson ceist an lùib làimhseachadh uair a chomharrachadh. Dh'haodadh faighneachd dhaibh an uair sin am beachd-smuaintean a roinn le càch agus borganachadh dè an ro-innleachd as iomchaidh agus as èifeachdaich airson a' cheist fhuasgladh.
- ◆ Dh'haodadh iarraidh air tagraichean ceist shònraichte obrachadh a-mach. Dh'haodadh iarraidh orra an dàta fhèin a thional airson a làimhseachadh. Dh'haodadh iad am beachd-smuaintean a roinn le càch agus am fuasgladh matamataigeach as fheàrr aontachadh.
- ◆ Dh'haodadh tagraichean com-pàirteachadh ann am farpaisean-ceist no farpaisean eile gus sgilean agus ro-innleachdan matamataigeach is àireamhach a chleachdadhe, ath-ghairm air fiosan àireamhan a ghleusadh, agus ro-innleachdan àireamhachaidh èifeachdach a leasachadh.

Ionnsachadh stèidhichte air stòran

Tha eisimpleirean de ionnsachadh stèidhichte air stòran a' gabhail a-steach:

- ◆ cleachdadhe teicneòlas airson dàta agus fiosrachadh a thional, eagrachadh, a riochdachadh agus a làimhseachadh
- ◆ leasachadh sgilean ann an làimhseachadh airgid no uair agus ann am mion-sgrùdadhe staitistearachd le bhith cleachdadhe foillseachaidhean an riaghaltais, às-earrannan à cliath-dhuilleagan companaidh, buidseatan, fàirdealan, artaigilean iris, bileagan, bilean agus sanasan
- ◆ cleachdadhe àireamhairean, coimpiutairean, tablaidean, fònaichean làimhe agus innealan eileagtronaigeach eile gus àireamhan a rannsachadh, ùine a làimhseachadh, no freagairtean do dh'àireamhachaidhean toinnte no fada a sgrùdadhe
(Tha cleachdadhe air teicneòlas gu h-àraidh iomchaidh ann am mòran de cho-theacsainchean ionnsachaidh. Tha àireamhairean gu tric a' cuideachadh thagraichean air àireamhan a ghiullachd, a' toirt dhaibh àm saor airson suidheachaidhean a mhion-sgrùdadhe, tighinn gu co- dhùnaidhean agus co-dhùnaidhean fiosraichte a dhèanamh. Ach bu chòir do thagraichean, far an gabh e a dhèanamh, a bhith air am brosnachadh an sgilean a leasachadh agus a neartachadh ann an crìochnachadh an dà chuid àireamhachaidhean sgrìobhte agus inntinneil gus fileantachd agus èifeachdas àireamhail a leasachadh.)
- ◆ obair le clàran iompachaidh air-loidhne airson tomhasan leithid meudan bhrògan is aodaich Breatannach is Eòrpach, tomhasan astair is cuideim, agus innealan bruthaidh fala eileagtronaigeach agus neo-eileagtronaigeach — dh'haodadh *Guinness World Records* a chleachdadhe mar stuth brosnachaidh

E-ionnsachadh

Dh'fhaodadh ionadan ICT a chleachdadhe mar thaic do ionnsachadh agus teagasc. Airson cursa Gníomhachas Matamataigs Nàiseanta 5, dh'fhaodadh tagraichean a chleachdadhe:

- ◆ ICT agus teicneòlasan eile, leithid àireamhairean agus coimpiutairean, airson làimhseachadh dàta agus coileanadh àireamhachaidhean nas toinnte
- ◆ pasgain ioma-mheadhanach airson obrachadh le geoimeatraighe
- ◆ deuchainnean air-loidhne agus prògraman eadar-obrachail
- ◆ cliath-dhuilleagan agus prògraman làimhseachaidh dàta eile airson dàta a thional, a chlàradh agus a làimhseachadh
- ◆ stòrasan stèidhichtte air an eadar-lion, leithid staitistearachd ionmhasail no co-cheangailte ri slàinte, mar stuth brosnachaidh

Làraich-lìn fheumail

Tha an clàr gu h-iosal a' nochdadhl iosta de bhuidhnean a dh'fhaodadh stòrasan a sholarachadh a bhiodh freagarrach do chùrsa Gniomhachas Matamataigs Nàiseanta 5.

Buidheann	Stòrasan comasach no stuthan taic
BBC Bitesize Maths (National 5)	Tha an làrach-lìn seo a' solarachadh stòrasan air-loidhne airson teagasg is ionnsachadh matamataig.
BBC Skillswise Maths	Làrach-lìn a tha fosgailte do thidsearan, òraidichean agus oilleanaich, le duilleagan-obrach is duilleagan-fiosrachaiddh a ghabhas clò-bhualadh agus geamannan, bhidiathan is farpaisean-ceist air-loidhne.
Ionad Nàiseanta Sàrmhathais ann an Teagasg Matamataig (NCETM)	Tha NCETM ag amas air feumalachdan thidsearan matamataig a choileanadh agus comas luchd-ionnsachaidh a thuigsinn tro bhun-structar nàiseanta airson leasachadh proifeiseanta leantainneach a tha sònraichte do mhatamataig (CPD). Tha an NCETM a' solarachadh agus a' comharrachadh stòrasan do thidsearan, lionraidhean foghlaim matamataig, HEelan agus solaraichead CPD. Aig an aon àm, tha an NCETM a' brosnachadh sgoiltean iscolaistean gu ionnsachadh bhon chleachdad as fheàrr aca fhèin tro cho-obrachadh agus le bhith a' roinn deagh chleachdad gu h-ionadail, gu roinneil agus gu nàiseanta.
Matamataig NRICH	Tha an làrach-lìn seo a' tairgsinn nam miltean de stuthan saidhbhreachaidh matamataig (ceistean, artaigilean is geamannan) do thidsearan is luchd-ionnsachaidh bho 5 gu 19 bliadhna a dh'aois. Tha na stòrasan uile air an deilbh gus eòlas cuspair, fuasgladh cheistean agus sgilean smaoineachaiddh matamataig a leasachadh. Tha an làrach-lìn ga h-ath-ùrachadh le stuthan ùra air a' chiad latha den mhìos.
STEM Central	Tha an stòras air-loidhne seo a' cur taic ri ionnsachadh is teagasg co-cheangailte ri saidheansan, teicneòlasan, einnseanaireachd agus matamataig (STEM). Tha e a' gabhail a-steach stòrasan clasruim agus liostaichean-cluiche bhidiathan.
STEM Central in Motion	Tha STEM Central in Motion a' toirt cothrom do luchd-cleachdaidh agus buidhnean com-pàirteachais Foghlam Alba air beachd-smuaintean is stuthan a roinn co-cheangailte ri co-theacsainaichean ionnsachaidh STEM, agus saidhbhreachadh STEM ann an co-theacsa a' chlasruim.
Beachd-smuaintean Teagaisg	Tha an làrach-lìn seo a' solarachadh stòrasan air-loidhne an-asgaidh airson matamataig agus àireamhachd. Tha mòran eisimpleirean air an cur ann an co-theacsa agus air an rangachadh a rèir aois.

Bha na stòrasan gu h-àrd ceart aig àm foillseachaidh agus dh'fhaodadh iad atharrachadh.

Ullachadh airson measadh cursa

Tha am measadh cursa a' cuimseachadh air leud, dùblan agus co-chur. Tha tagraichean a' tarraing air agus a' leudachadh nan sgilean a tha iad air ionnsachadh tron chùrsa. Tha iad sin gam measadh tro dhà phàipear cheistean: aon neo-àireamhair agus dàrna pàipear far am faodar àireamhair a chleachdad.

Mar ullachadh don mheasadh cursa, bu chòir cothrom a thoirt do thagraichean:

- ◆ suidheachaidhean agus ceistean fior-bheatha a mhion-sgrùdadh agus eadar-mhìneachadh, anns a bheil matamataig ann an suidheachaidhean ùra agus neo-aithnichte
- ◆ sgilean obrachail matamataigeach a thaghadh agus in-ghabhail bho tharsainn a' chùrsa, gus dèiligeadh le suidheachaidhean no ceistean fior-bheatha
- ◆ raon de sgilean obrachail matamataigeach a cho-chur gu ìre mionaideachd iomchaidh le agus às aonais cleachdad air àireamhair
- ◆ sgilean reusanachaidh matamataigeach a chleachdad airson tighinn gu co-dhùnaidhean no co-dhùnaidhean fhìreanachad
- ◆ fiosrachadh matamataigeach a chonaltradh gu h-ionchaidh

Tha na pàipearan cheistean a' measadh taghadh de eòlas is sgilean a thogadh tron chùrsa agus solarachadh chothroman airson sgilean a cho-chur ann an raon farsaing de shuidheachaidhean, cuid aca a dh'fhaodadh a bhith neo-aithnichte don tagraiche.

Ron mheasadh cursa, dh'fhaodadh tagraichean buannachd fhaighinn bho fhreagairt cheistean geàrr-fhreagairt, ceistean ioma-roghainneach agus ceistean sgrùdadh cùise ioma-cheumach leudaichte.

Leasachadh sgilean ionnsachaidh, sgilean beatha agus sgilean obrach

Bu chòir do luchd-planaidh chùrsaichean cothroman a chomharrachadh tron chùrsa do thagraichean gus sgilean airson ionnsachadh, sgilean airson beatha agus sgilean airson obair, a leasachadh.

Bu chòir do thagraichean a bhith mothachail do na sgilean a tha iad a' leasachadh agus is urrainn do thidsearan is òraidichean comhairle a thoirt air cothroman an cleachdad agus an leasachadh.

Chan eil SQA gu foirmeil a' measadh sgilean airson ionnsachadh, beatha agus obair.

Dh'fhaodadh gum bi cothroman ann cuideachd sgilean a bharrachd a leasachadh a rèir nam modhan-obrach a thathar a' cleachdad airson an cùrsa a libhrigeadh anns gach ionad. Tha seo do thidsearan is òraidichean fa leth, a stiùireadh.

Tha cothroman cudromach a thaobh sgilean airson ionnsachadh, airson beatha agus airson obair air an iomradh sa chlàr gu h-ìosal.

Mìneachadh frèam-obrach sgilean airson ionnsachadh, airson beatha agus airson obair aig SQA	Modhan-obrach molta airson ionnsachadh agus teagast
Is e Àireamhachd an comas air àireamhan a chleachdad airson ceistean fhuasgladh le bhith cunntadh, dèanamh obrachaidhean a-mach, tomhas, agus tuigsinn ghrafaichean is chlàran. Tha seo cuideachd mar chomas air na toraidhean a thuigsinn.	Dh'fhaodadh tagraichean cothroman fhaighinn: <ul style="list-style-type: none">◆ àireamhan a chleachdad airson ceistean fhuasgladh a tha ag èirigh sa bheatha làitheil◆ àireamhan a chleachdad airson ceistean fhuasgladh a' cleachdad geoimeatraidh agus tomsasan ag èirigh ann an co-theacsainchean fior- bheatha◆ ceistean practaigeach fhuasgladh anns a bheil airgead, uair, cumadh agus tomhas◆ fiosrachadh eadar-mhìneachadh◆ tighinn gu co-dhùnaidhean◆ tuigsinneachdan agus co-dhùnaidhean fiosraichte a dhèanamh

Mìneachadh frèam-obrach sgilean airson ionnsachadh, airson beatha agus airson obair aig SQA	Modhan-obrach molta airson ionnsachadh agus teagast
Is e a th' ann an co-chur ach comas air fiosrachadh làithreach a chleachdadh airson ceist fhuasgladh ann an co-theacsa dhiofraichte, agus gniomh-obrach a phlanadh, eagrachadh agus a chriochnachadh.	<p>Bu chòir do thagraichean an cothrom fhaighinn na sgilean, eòlas agus tuigse a tha iad air a leasachadh, a cho-chur gus ceistean matamataigeach fhuasgladh ann an raon de cho-theacsaichean fior-bheatha.</p> <p>Dh'haodadh tagraichean am brosnachadh gu bhith a' smaoineachadh gu cruthachail gus ro-innleachdan atharrachadh airson freagairt air a' cheist no air an t-suidheachadh.</p> <p>Dh'haodadh tagraichean am brosnachadh gu an smaoineachadh aca a nochdad agus a mhineachadh gus an ìre tuigse aca a dhearbhadh.</p> <p>Dh'haodadh tagraichean am brosnachadh gu smaoineachadh mu dheidhinn mar a tha iad a' dol a dhèiligeadh le ceistean, co-dhùnadadh dè na sgilean bu chòir a chleachdadh agus an uair sin na h-obrachaidhean a-mach a dhèanamh airson an gniomh a chriochnachadh.</p>
Mion-sgrùdadadh agus luachadh , sin comas air feartan suidheachaidh no cùis a chomharrachadh agus a chothromachadh, agus breithneachadh a chleachdadh airson a thighinn gu co-dhùnadadh. Tha e a' gabhail a-steach ath-sgrùdadadh agus beachdachadh air fuasglaidhean comasach sam bith.	<p>Dh'haodadh tagraichean an cothrom fhaighinn gu na gniomhan-obrach no suidheachaidhean fior-bheatha a chomharrachadh a dh'fheumas cleachdadh air matamataig.</p> <p>Dh'haodadh tagraichean cothroman fhaighinn gu toraidhean an obrachaidhean a-mach eadar-mhineachadh, agus a thighinn gu co-dhùnaidhean. Dh'haodadh co-dhùnaidhean an tagraiche an cleachdadh mar bhunait do reusanachadh sam bith air a thaisbeanadh le bhith a' déanamh agus a' fireanachadh roghainnean no co-dhùnaidhean airson ceist fhuasgladh.</p> <p>Dh'haodadh suidheachaidhean anns a bheil colttachd co-theacsaichean iomchaidh a sholarachadh airson anailis agus sgilean luachaidh a leasachadh.</p>

Rè a' chùrsa, tha cothroman ann do thagraichean an sgilean littearrachd agus sgilean so-fhastachd a leasachadh.

Tha **sgilean litearrachd** gu h-àraidh cudromach oir tha na sgilean sin a' ceadachadh do thagraichean ruighinn air, a dhol an sàs ann agus an cuid ionnsachaidh a thuigsinn, agus an smuaintean, beachd-smuaintean is beachdan a chonaltradh. Tha an cursa seo a' solarachadh do thagraichean cothrom air an sgilean litearrachd a leasachadh le bhith a' mion-sgrùdadadh cho-theacsaichean fior-bheatha agus conaltradh an smaoineachaидh le bhith taisbeanadh fiosrachadh matamataigeach ann an diofar dhòighean. Dh'haodadh seo a bhith a' gabhail a-steach cleachdadh air àireamhan, foirmlean, diagraman, grafaichean, samhlaidhean agus facail.

Is iad **sgilean so-fhastachd** na feartan, sgilean, eòlas, tuigse agus seasamhan pearsanta a dh'fheumar ann an àrainneachdan eaconamach caochlaideach. Tha na sgilean matamataigeach, obrachail is reusanachaидh air an leasachadh sa chùrsa seo, ag amas air tagraichean a chomasachadh gu freagairt le misneachd do shuidheachaidhean matamataigeach a dh'haodadh èirigh san àite-obrach. Tha e ag amas air tagraichean a sholarachadh leis a' chothrom air suidheachadh a mhion-sgrùdadadh, co-dhùnadh dè na ro-innleachdan matamataigeach bu chòir an co-chur, obrachadh tro na ro-innleachdan sin gu h-èifeachdach, agus tighinn gu co-dhùnaidhean fiosraichte stèidhichte air na toraidhean.

Faodaidh sgilean a bharrachd airson ionnsachadh, sgilean beatha agus sgilean obrach an leasachadh cuideachd rè a' chùrsa seo. Dh'haodadh gum bi na cothroman sin diofraichte agus a rèir roghainn an ionaid.

Eàrr-ràdh 2: sgilean, eòlas agus tuigse le co-theacsaichean ionnsachaidh is teagaisg molta

Tha eisimpleirean de cho-theacsaichean ionnsachaidh agus teagaisg a dh'fhaodadh a cleachdad airson a' chùrsa, rin lorg gu h-ìosal.

Tha a' chiad dà cholbh co-ionann ri clàran de 'Sgilean, eòlas agus tuigse airson measadh a' chùrsa' anns an t-sònchrachadh cùrsa seo.

Tha an treas colbh a' moladh cho-theacsaichean ionnsachaidh agus teagaisg. Tha iad sin a' solarachadh eisimpleirean de far am faodadh na sgilean an cleachdad ann an gnìomhan no pìosan obrach fa leth.

Sgilean àireamhachd		
Sgilean	Mìneachadh	Co-theacsaichean ionnsachaidh is teagaisg molta
Taghadh agus cleachdad comharradh àireamhach agus aonadan iomchaidh	<ul style="list-style-type: none">◆ Gabhail a-steach: =, +, -, ×, /, ÷, <, >, (), %, còilean, puing dheicheach agus foirmlean sìmplidh◆ Taghadh agus cleachdad aonadan iomchaidh airson airgead, uair agus tomhas (faid, cuideam, tomhas-lìonaidh agus teòthachd)	Dh'fhaodadh raon farsaing de mhodhan-obrach an cleachdad airson sgilean àireamhachd ionnsachadh agus a theagast. Dh'fhaodadh iad sin a bhith a' gabhail a-steach: <ul style="list-style-type: none">◆ eacarsaichean àireamhach air leth a' cleachdad leabhrainchean-teacsa agus duilleagan-obrach◆ ceistean geàrr-fhreagairt is freagairt leudaichte co-theacsail◆ obair sgrùdail ag iarraidh taghadh agus co-chur air sgilrean àireamhach◆ gnìomhachdan eadar-chuspairiel anns a bheil taghadh agus cleachdad air raon de phròiseasan àireamhach — tha raointean
Taghadh agus coileanadh àireamhachaidhean	<ul style="list-style-type: none">◆ Cur-ris agus toirt-air-falbh àireamhan air an toirt gu dà ionad deicheadh◆ Iomadachadh no roinn àireamh (air an toirt gu dà ionad deicheadh) le àireamh slàn de aon fhigear	

Sgilean àireamhachd		
Sgilean	Mìneachadh	Co-theacsainchean ionnsachaidh is teagaisg molta
	<ul style="list-style-type: none"> ◆ Iomadachadh no roinn àireamh (air an toirt gu dà ionad deichead) le iomadan de 10, 100 agus 1000 ◆ Cruinneachadh fhreagairtean gu an fhigear chudromach chomharraichte as fhaisce no trì ionadan deichead ◆ Lorg cheudadan agus bloighean chumaidhean is uireadan ◆ Aithneachadh agus cleachdadhbhloighean measgaichte, me $3\frac{1}{2}$, $\frac{1}{3}$, $4\frac{1}{4}$, $\frac{1}{8}$, $\frac{2}{6}$ ◆ Cur-ris agus toirt-air-falbh bhloighean simplidh, me $\frac{1}{2} + \frac{1}{4}$ agus $\frac{2}{3} - \frac{1}{3}$ ◆ Lorg an àireamh de phàirtean bloigheach ann an àireamh mheasgaichte, me $2\frac{1}{2} = 5$ lethean ◆ Obrachadh a-mach meudachadh agus lùghdachadh ceudad fillte ◆ Libhrigeadh uiread mar cheudad de dh'uiread eile ◆ Iompachadh cho-ionannachdan eadar bloighean, deicheadan agus ceudadan ◆ Obrachadh a-mach luaths, uair agus astar ◆ Obrachadh a-mach tomhas-lionaidh (siolandar, priosam triantanach) 	<p>iomchaidh a' gabhail a-steach ealain, cuspairean stèidhichte air ciùird, teicneòlas, slàinte agus sunnd, agus cruinn-eòlas</p> <p>Bu chòir do thagraichean comas a leasachadh a thaobh:</p> <ul style="list-style-type: none"> ◆ eòlas air cruinneachadh agus tuairmseadh a chleachdadhbhloighean ◆ ro-innleachdan inntinneil a chleachdadhbhloighean ◆ na h-eadar-dhàimhean eadar bloighean, bloighean deichead agus ceudadan a thuigsinn, gus slighe èifeachdadh gu fuasgladh a thaghadh, me nuair a dh'iarrar lasachadh de 75% a luachadh air nì a' cosg £100, bhiodh fuasgladh freagarrach a' nochdadh tuigse gu bheil 75% co-ionann ri 3/4, agus gun toir obrachadh a-mach 3/4 de £100 an aon fhreagairt ri 75% de £100

Sgilean àireamhachd		
Sgilean	Mìneachadh	Co-theacsaichean ionnsachaidh is teagaisg molta
	<ul style="list-style-type: none"> ◆ Obrachadh a-mach farsaingeachd (triantanan agus cumaidhean ceangailte) ◆ Obrachadh a-mach cuairt-thomhas agus ceartcall-thomhas ◆ Obrachadh a-mach co-mheas a' gabhail a-steach meudan bho dhealbhan sgèile, me sgèile de 1:10 ◆ Obrachadh a-mach co-chuid dhìreach agus neo-dhìreach 	Tha co-theacsaichean ionnsachaidh agus teagaisg a bharrachd ann an Èarr-ràdh 3.
Clàradh thomhasan a' cleachdadh sgèile air ionnsramaид	<ul style="list-style-type: none"> ◆ Gu an roinn neo-àireamhaichte bheag chomharrachte as fhaisge air ionnsramaид airson faid, ceàrn, cuideam, tomhas-lionaidh agus teòthachd 	<p>Bu chòir do thagraichean a bhith mothachail nach eil tomhasan fior an-còmhnaidh comasach agus gu bheil an ire mionaideachd gu tric an eisimeil an ionnsramaид tomhais agus nàdar a' ghnìomh.</p> <p>Aig Nàiseanta 5, 's e sgèile fhreagarrach far a bheil na priomh roinnean air an comharrachadh. Feumaidh tagraichean a bhith comasach air tomhas gu an roinn neo-àireamhaichte bheag chomharrachte as fhaisge. Cha ghabhar ri leughaidhean a-mach didseatach.</p>
Eadar-mhìneachadh thomhasan agus toraidhean àireamhachaidhean airson co-dhùnaidhean a dhèanamh	<ul style="list-style-type: none"> ◆ Comharrachadh thomhasan buntainneach agus toraidhean àireamhachaidhean airson co-dhùnadh a dhèanamh 	Bu chòir tagraichean a bhrosnachadh gu deasbad agus argamaidean a dhèanamh airson gnìomh-obrach no suidheachadh sònraichte, le bhith cleachdadhean a-mach didseatach.

Sgilean àireamhachd		
Sgilean	Mìneachadh	Co-theacsaichean ionnsachaidh is teagaisg molta
Fireanachadh cho-dhùnaidhean le bhith cleachdadh toraidhean thomhasan is àireamhachaidhean	◆ Cleachdadhean fianais bho thoraidhean obrachaidhean a-mach airson co-dhùnaidhean fhìreanachadh	thomhasan. Dh'fhaodadh seo a bhith dèante mar obair buidhne no taisbeanadh clas.

Sgilean ionmhasail		
Sgilean	Mìneachadh	Co-theacsaichean ionnsachaidh is teagaisg molta
Dèanamh anailis air suidheachadh ionmhasail a' cleachdad fiosrachadh buidseit	<ul style="list-style-type: none"> ◆ Buidseatadh agus planadh airson cleachdad pearsanta no planadh tachartas ◆ Cothromachadh steach-churan agus mach-churan bho raon de stòran 	<p>Dh'fhaodadh tagraichean a dhol an sàs ann an samhlachadh air togail-buidseat leudaichte.</p> <p>Dh'fhaodadh iad:</p> <ul style="list-style-type: none"> ◆ obair a thaghadh agus dearbhadh dè an sùim airgid a chosnadh iad ◆ sanasan taigheadais a rannsachadh agus am morgaids obrachadh a-mach ◆ càr a thaghadh airson a cheannach ◆ catalogan a chleachdad airson bathar a thaghadh <p>Dh'fhaodadh tagraichean buidseat a chleachdad (pàipear no didseatach) ann an samhlachadh cosnadh agus caitheamh. Tron t-samhlachadh, dh'fhaodadh cairtean cothroim an cleachdad airson creideasan agus fiachan.</p> <p>Dh'fhaodadh cothrom a thoirt do thagraichean staitistearachd ionmhasail a chleachdad airson anailis a dhèanamh air suidheachadh ionmhasail air a thaisbeanadh ann an cruth grafaigeach.</p>

Sgilean ionmhasail		
Sgilean	Mìneachadh	Co-theacsaichean ionnsachaidh is teagaisg molta
Dèanamh anailis agus eadar-mhìneachadh air factaran aig a bheil buaidh air teachd-a-steach	<p>Teachd-a-steach agus toirt-air-falbh airson diofar shuidheachaidhean pearsanta is roghainnean dreuchdail. Tha iad sin a' gabhal a-steach:</p> <ul style="list-style-type: none"> ◆ pàigheadh bunasach, pàigheadh iomlan/lom ◆ còrr-ùine ◆ pàighidhean brosnachaidh, me bònas agus coimisean ◆ sochairean agus cuibhreannan ◆ Àrachas Nàiseanta ◆ cìs teachd-a-steach ◆ tabhartasan peinnsein 	<p>Dh'haodadh modh-obrach sgrùdail a chleachdad gus pàigheadh is toirt-air-falbh airson obair no dreuchd thaghte fhaighinn a-mach.</p> <p>Dh'haodadh stuthan fior-bheatha an cleachdad leithid sanasan obraichean agus cunnraighean cosnaidh sìmplichte.</p> <p>Dh'haodadh obrachaidhean a-mach a bhith an lùib: pàigheadh bunasach, còrr-ùine, pàigheadh iomlan/lom, cuibhreannan, Àrachas Nàiseanta, cìs teachd-a-steach agus tabhartasan peinnsein.</p> <p>Dh'haodadh cothrom a thoirt do thagraichean staitistearachd ionmhasail a chleachdad gus anailis a dhèanamh air factaran aig a bheil buaidh air teachd-a-steach air a thoirt ann an cruth grafaigeach.</p>

Sgilean ionmhasail		
Sgilean	Mìneachadh	Co-theacsaichean ionnsachaidh is teagaisg molta
Dearbhadh an rèite as fheàrr	<ul style="list-style-type: none"> ◆ Dèanamh coimeas eadar co-dhiù trì nithean, le trì pìosan fiosrachaidh mu gach aon air a thoirt 	<p>Dh'fhaodadh tagraichean rannsachadh no pròiseact a choileanadh, a' cleachdadh an eadar-lion airson fiosrachadh a lorg mu nì taghte, leithid cùmhnant fòn-làimhe no bathar gèamaidh coimpiutair. Le trì pìosan fiosrachaidh, dh'fhaodadh iad coimeas a dhèanamh eadar co-dhiù trì nithean, leithid an uimhir dàta a dh'fhaodar luchdachadh a-nuas gach mìos, cosgaisean aonaid no feartan a bharrachd.</p> <p>Dh'fhaodadh cothrom a thoirt do thagraichean dàta/fiosrachadh a chleachdadhbh air a thaisbeanadh ann an cruth grafaigeach gus an rèite as fheàrr a dhearbhadh.</p>

Sgilean ionmhasail		
Sgilean	Mìneachadh	Co-theacsaichean ionnsachaidh is teagaisg molta
lompachadh eadar diofar ruithean-airgid	<ul style="list-style-type: none"> ◆ lompachadh eadar ruithean-airgid taobh seach taobh; an lùib cleachdadh air co-dhiù trì ruithean-airgid ann an gnìomh ioma-ireil 	<p>Dh'fhaodadh suidheachaidhean siubhail agus fiosrachadh air a chleachdadh bho rannsachaidhean air diofar iompaichearan ruithean-airgid air-loidhne no bho bhuidheann siubhail, a chleachadh.</p> <p>Dh'fhaodadh tagraichean buaidh dhiofar reataichean a dheasbad agus èifeachd coimisein. Dh'fhaodadh iad a bhith an sàs ann am plana siubhail samhlaithe agus sùimean sònraichte airson diofar dhùthchannan iompachadh. Dh'fhaodadh iad cuideachd suidheachaidhean a dheuchainneadh airson na rèite as fheàrr le bancaichean, biùrothan iomlaid; innealan airgid ATM agus àidseantan siubhail.</p>

Sgilean ionmhasail		
Sgilean	Mìneachadh	Co-theacsaichean ionnsachaidh is teagaisg molta
Sgrùdadadh buaidh reataichean rèidhe air sàbhalaidhean agus iasadan	<p>Nam measg sin tha:</p> <ul style="list-style-type: none"> ◆ iasadan ◆ sàbhalaidhean ◆ cairtean creideis ◆ cairtean bùthá ◆ aontaidhean creideis 	<p>Dh'fhaodadh measgachadh de chlàran reataichean iasaid is rèidhe fior-bheatha a thoirt do thagraichean. Dh'fhaodadh iad obrachadh amach agus deasbad air an sgeama sàbhalaidh a bheireadh an tilleadh as fheàrr dhaibh agus dè na sgeamaichean iasaid a bu chosgaile thar ùine shònraichte.</p> <p>Dh'fhaodadh bun-bheachd reat bliadhnaill sa cheud a dheasbad (APR). Dh'fhaodadh tagraichean com-pàirteachadh ann an gnìomhachd fuasglaidh cheistean 'feumalachdan is iarrtasan' far am faodadh cothrom a thoirt dhaibh cosgais nithean a bu toil leotha fhaighinn agus seo a choimeasadh an aghaidh teachd-a-steach.</p> <p>Dh'fhaodadh cothrom a thoirt do thagraichean dàta/fiosrachadh a chleachdad air a thaisbeanadh ann an cruth grafaigeach, gus buaidh reataichean rèidhe a sgrùdadadh.</p>

Sgilean staitistearachd		
Sgilean	Mìneachadh	Co-theacsachean ionnsachaidh is teagaisg molta
Cleachdadhe measgachadh de staitistearachd gus cunnart agus a bhuaidh air beatha, a sgrùdadhe	<ul style="list-style-type: none"> ◆ Cleachdadhe a' cheangail eadar coltachd shìmplidh agus tricead san amharc 	<p>Dh'fhaodadh samhlachaidhean comasachd co-theacsachean a thoirt seachad airson deasbad air coltachd. Dh'fhaodadh tagraichean tarraing air raon de staitistearachd mu aon chuspair leithid sgaoilidhean gas taigh-glainne agus blàthachadh na cruinne, no riaghailt-bìdh no cunnart aillse. Tha mòran chothroman ann airson ceanglaichean cuspairil a dhèanamh le raointean eile den churraicealam mar slàinte agus sunnd agus saidheansan sòisealta.</p> <p>Dh'fhaodadh tagraichean brìgh staitistearachd slàinte is sàbhailteachd a sgrùdadhe agus a dheasbad cuideachd, airson tubaistean san àite-obrach, cuibhreachaidhean luaths, luchdan sàbhailte airson iompair agus giùlain.</p> <p>Dh'fhaodadh am brosnachadh gu aithrisean a dhèanamh mu bhudadhan agus co-dhùnaidhean a tharraing bho dhàta staitistearachd air a thaisbeanadh ann an cruth diagramach, me reataichean eucoir ann an còdan-puist sònraichte; àrachas taighe; staitistigean slàinte, dùil beatha is àrachas beatha agus bliadhnaidhean; stuthan adhartachaidh bho chompanaidhean àrachais agus pàipearan-naidheachd.</p>

Sgilean staitistearachd		
Sgilean	Mìneachadh	Co-theacsaichean ionnsachaidh is teagaisg molta
Cleachdadhbh measgachadh de dh'fhiorsrachadh staitistearachd air a thaisbeanadh ann an diofar dhiagraman	<ul style="list-style-type: none"> ◆ Togail, mìneachadh agus dèanamh coimeas eadar graf-bhogsaichean, grafan-sgapte agus clàran-cearcaill 	Dh'haodadh tagraichean raointean cuspairil eile a chleachdadhbh leithid spòrs is cruinn-eòlas mar cho-theacsaichean airson analis is coimeas a dhèanamh eadar seataichean dàta. Mar eisimpleir, dh'haodadh iad analis a dhèanamh air an uair a bheir e a' ruith 100 meatair, agus gus na h-uairean a' fàs nas luaithe agus nas luaithe a nochdadhbh, dh'haodadh iad graf as fheàrr a fhreagras a tharraing airson dearbhadh dè na h-uairean a dh'haodadh a choileanadh san àm ri teachd.
Cleachdadhbh staitistearachd airson analis agus coimeas a dhèanamh eadar seataichean dàta	<ul style="list-style-type: none"> ◆ Obrachadh a-mach cuibheas, meadhan, mòd, raon, raon eadar-chairtealach, agus claoindh coitcheann 	Dh'haodadh prògraman coimpiutair agus àireamhairean adhartach an cleachdadhbh cuideachd airson cruthan grafaigeach a thogail agus a làimhseachadh.
Tarraing loidhne as fheàrr a fhreagras bho dhàta sònraichte	<ul style="list-style-type: none"> ◆ Dàta air a thaisbeanadh ann an cruth clàir 	

Sgilean tomhais		
Sgilean	Mìneachadh	Co-theacsaichean ionnsachaidh is teagaisg molta
Obrachadh a-mach uiread	<ul style="list-style-type: none"> ◆ Stèidhichte air dà phòs fiosrachaидh co-cheangailte 	Dh'fhaodadh tagraichean tomhasan agus na dàimhean eatarra a sgrùdadh leithid: bruthadh, teòthachd agus tomhas-lionaидh; luaths, astar agus uair; dlùths, tomad agus tomhas-lionaидh.
Togail dealbh sgèile, a' gabhail a-steach taghadh sgèile	<p>Bho fhiosrachadh sgrìobhte agus/no sgeidse:</p> <ul style="list-style-type: none"> ◆ loidhnichean rin tarraig agus rin tomhas gu am milimeatair as fhaisge ◆ ceàrnán rin tarraig agus rin tomhas gu a' phuing as fhaisge 	Bho fhiosrachadh labhairte agus/no sgeidse, dh'fhaodadh iarradh air tagraichean riochdachaidhean sgèile de shuidheachaidhean làitheil a dheilbh agus a chleachdadh, me pàtrain fuaigneal no planaichean taighe. Dh'fhaodadh iad cumaidhean simplidh a mheudachadh/lùghdachadh air pàipear clèithe gu sgèile shònraichte.
Planadh cursa maraireachd	<ul style="list-style-type: none"> ◆ Cleachdad mapa no plana sònraichte no togte ◆ Cleachdad chùrsaichean agus faid 	Bho phuing tòiseachaidh shònraichte, dh'fhaodadh tagraichean protactair a chleachdad airson cursa maraireachd a phlotadh a' cleachdad chùrsaichean agus astar. An uair sin, a' cleachdad sgèile milimeatair, dh'fhaodadh iad an cursa seo a thaisbeanadh ann an cruth grafaigeach agus an t-astar is uair comasach a bheireadh e a chrìochnachadh bhon phuing tòiseachaidh, obrachadh a-mach.

Sgilean tomhais		
Sgilean	Mìneachadh	Co-theacsachean ionnsachaidh is teagaisg molta
Dèanamh pacadh soithich èifeachdach	<ul style="list-style-type: none"> ◆ Le sònreachadh nithean gu soithichean den aon mheud, gus an àireamh de shoithichean a chumail iosal 	Dh'fhaodadh tagraichean dòighean a rannsachadh sa bheil pacadh ga chleachdadh san dachaigh, me cia mheud ceas leabhraichean/DVD/CD a ghabhas am pacadh air sgeilp fhad 's a thathar a' measadh diofar dhòighean air na nithean a chur an òrdugh.
Cleachdadh chlàran prìomhachais airson gniomhan a phlanadh	<ul style="list-style-type: none"> ◆ Far an gabh cuid de gnìomhachdan an dèanamh aig an aon àm, agus gum feum feadhainn eile an dèanamh ann an sreath 	Dh'fhaodadh tagraichean obair còmhla air planadh tachartais, mar fèill no cuirm-chiùil sgoile, anns am faod cuid de gnìomhachdan an coileanadh aig an aon àm ach riatanach feadhainn eile a choileanadh ann an sreath.
Fuasgladh ceist anns a bheil làimhseachadh ùine	<ul style="list-style-type: none"> ◆ Planadh tìmeadh air gnìomhachdan le cuid de fheartan toinnte, me ag obair tarsainn sònaichean uarach 	Dh'fhaodadh tagraichean modh fuasglaidh ceist a chleachdadh airson sudheachaidhean sònraichte, anns a bheil feum air raointean ama obrachadh a-mach leithid rèiteachaidhean siubhail eadar-nàiseanta, no stiùireadh tachartais/gniomh. Mar eisimpleir, dh'fhaodadh iad àm ruighinn aig ceann-uidhe eadar-nàiseanta a thuairmseadh, le fios air an fhòr uair itealaich agus an diofar san sòn uarach. No dh'fhaodadh iad gairm bhidio/fòn a chur air dòigh gu cinn-uidhe eadar-nàiseanta aig àm sònraichte RA.

Sgilean tomhais		
Sgilean	Mìneachadh	Co-theacsaichean ionnsachaид is teagaisg molta
Beachdachadh air èifeachdan fulangais	<ul style="list-style-type: none"> ◆ Leis an fhlangas air a thoirt seachad, obraich a mach na crìochan ◆ Le mionaideachd mhodhan dèanamh air dà cho-phàirt freagraichte, beachdachadh air buadhan co-chòrdalachd 	Cleachdadhs ro-leasachain leithid milli- agus maidhcro-, dh'fhaodadh tagraichean beachdachadh air seòrsaichean cho-phàirtean a chleachdadhs na diofar iùrean fulangais, me post feansa agus co-phàirt einnsean càir. Dh'fhaodadh buidhnean cuibhreachaidhean san amharc a dheasbad agus an fheum air co-chòrdalachd.

Sgilean geoimeatrach		
Sgilean	Mìneachadh	Co-theacsaichean ionnsachaид is teagaisg molta
Sgrùdadhsuidheachadh anns a bheil ciasead	<ul style="list-style-type: none"> ◆ Cleachdadhs astaran dìreach agus astaran còmhnaid ◆ Cleachdadhs co-chomharran 	Dh'fhaodadh modh-obrach fuasglaidh ceist a chleachdadhs airson teòram Pythagoras a cho-chur ann an ailtireachd simplidh, leithid àirde mullach-taighe agus a dhàimh ri farsaingeachd lorg taighe air pìos fearainn. Dh'fhaodadh seo a leudachadh le bhith ag obrachadh a-mach cosgaids thaidhlichean mullaich mar a bhios àirde agus farsaingeachd lorg ag atharrachadh.
Fuasgladh ceist anns a bheil cumadh ceangailte	<ul style="list-style-type: none"> ◆ A dh'fhaodadh a bhith a' gabhail a-steach pàirt de chearcall 	Dh'fhaodadh tagraichean tomhasan a chleachdadhs fhad 's a thathar a' sgrùdadhs chaiseadan, agus ceistean fhuasgladh anns a bheil cumaidhean no teann-stuthan ceangailte.

Sgilean geoimeatrach		
Sgilean	Mìneachadh	Co-theacsaichean ionnsachaidh is teagaisg molta
Fuasgladh ceist anns a bheil tomhas-lionaidh teann-stuth ceangailte	◆ Gabhail a-steach pàirtean bloigheach simplidh de theann-stuthan	Dh'fhaodadh tagraichean modh-obrach fuasglaidh ceist gus soitheach ann an cumadh ciùbaid a dheilbh, airson 500 milliotair de lionn a chumail. Dh'fhaodadh iarraidh orra na meudan obrachadh a-mach gus a dhèanamh cinnteach gu bheil e a' cleachdad an uimhir as lughad stuth.
Cleachdad teòram Pythagoras	◆ Taobh a-staigh àireamhachadh dà-ìreil	Faic an eisimpleir gu h-àrd airson suidheachadh a sgrùdadh anns a bheil caisead. Dh'fhaodadh tagraichean cuideachd tomhasan a cho-chur fhad 's a tha iad a' fuasgladh ceist le teòram Pythagoras, anns a bheil àireamhachadh dà-ìreil.

Sgilean dàta grafaigeach agus coltachd		
Sgilean	Mìneachadh	Co-theacsaichean ionnsachaidh is teagaisg molta
Às-tharraing agus eadar-mhìneachadh dàta bho dhiofar chruthan grafaigeach	<p>Tha seo a' gabhail a-steach:</p> <ul style="list-style-type: none"> ◆ clàran le co-dhiù còig seòrsaichean fiosrachaидh ◆ cairtean far nach eil na luachan uile air an toirt seachad no far nach eil an sgèile faicsinneach, me clàr cholbhan coimeasach/fillte ◆ grafaichean far a bheil pàirt den axis a dhìth no far nach eil an sgèile faicsinneach, me graf loidhne iompachaидh ◆ diagraman, me clàr-dhealbhan, gas is duilleag, diagram-sgapte no mapa 	<p>Dh'fhaodadh modh-obrach sgrùdail a chleachdad bho ionnsachadh, beatha agus obair.</p> <p>Tha co-theacsaichean ionnsachaidh agus teagaisg ann an Eàrr-ràdh 3.</p>
Dèanamh agus fireanachadh cho-dhùnaidhean a' cleachdad bhan eadar-mhìneachadh air dàta	<ul style="list-style-type: none"> ◆ Dèanamh cho-dhùnaidhean stèidhichte air pàtrian, gluasadan no dàimhean ann an dàta ◆ Cleachdad bhan eadar-mhìneachadh air dàta airson co-dhùnaidhean fhìreanachadh ◆ Tuigsinn buaidhean claoen-bhaidh agus meud sampaill 	Tha co-theacsaichean ionnsachaidh agus teagaisg ann an Eàrr-ràdh 3.

Sgillean dàta grafaigeach agus coltachd		
Sgillean	Mìneachadh	Co-theacsaichean ionnsachaidh is teagaisg molta
Dèanamh agus fireanachadh cho-dhùnайдhean stèidhichte air coltachd	<ul style="list-style-type: none"> ◆ Aithneachadh phàtrain, ghluasadan agus dhàimhean agus gan cleachdad airson aithris air coltachd tachartas a bhith a' gabhail àite ◆ Cleachdad fianais bhon eadar-mhìneachadh air coltachd airson co-dhùnайдhean fhìreanachadh ◆ Dèanamh anailis air coltachd thachartasan cothlamaichte, a' comharrachadh èifeachdan claon-bhàidh agus toirt iomradh air coltachd tro chleachdad air ceudadan, deicheadan, bloighean agus co-mheas airson co-dhùnайдhean a dhèanamh agus fhìreanachadh 	<p>Dh'fhaodadh eisimpleirean de cho-theacsaichean coltachd a bhith a' gabhail a-steach:</p> <ul style="list-style-type: none"> ◆ cleachdad statistearachd aimsir airson coltachd diofar sheòrsaichean aimsir a thuairmseadh ◆ cleachdad statistearachd airson tricead daimheach thubaistean am measg dhràibhearan gun àrachas <p>Dh'fhaodadh tagraichean dàta bho làraich-lìn an riaghaltais a chleachdad gus co-dhùnadh dè am buidheann aoise as coltaiche aig am bi tubaistean.</p>

Eàrr-ràdh 3: eisimpleirean a bharrachd de cho-theacsachean ionnsachaidh agus teagaisg

Cleachdadh sgilean àireamhach gus ceistean fior-bheatha fhuasgladh

Dh'fhaodadh tagraichean:

- ◆ reasabaidhean a chleachdadhean airson tomhasan a choileanadh anns a bheil cuideam, comas- lìonaidh agus teòthachd — bu choir do na tomhasan uile a bhith meatrach
- ◆ co-mheas agus co-chuid a cho-chur gus measgachadh freagarrach de mhortar a dhèanamh airson pròiseact togail, me aon bhucайд saimeant gu aon bhucайд de dh'aol gu còig bucaidean gainmhich
- ◆ a' chìs teachd-a-steach obrachadh a-mach airson aon bhliadhna, le fios air teachd-a-steach bliadhna agus reataichean cìse
- ◆ riadh fillte obrachadh a-mach thar trì bliadhna, stèidhichte air cunntas sàbhalaidh le reat rèidhe sònraichte agus obrachadh a-mach an lùghdachadh da rèir ann an sàbhalaidhean, mar thoradh air ìsleachadh anns an reat rèidhe
- ◆ bile ghoireasan a chleachdadhean gus obrachadh a-mach, mar eisimpleir, cosgaisean cuibheasach gach latha, lasachaidhean, VAT, agus cosgaisean ma bhios cleachdadhean a mheudachadh 15% gach mìos
- ◆ teachd-a-steach agus caiteachas airson bùth obrachadh a-mach a' cleachdadhean chunntasan mìosail
- ◆ tomhas a dhèanamh agus na stuthan a tha a dhìth airson gàrradh a sgeadachadh a chosgadh
- ◆ cosgais bliadhnailean gas airson teaghlaigh a thuairmseadh, le fios air an uimhir gas a tha ga chleachdadhean gach seachdain agus cosgais gach aonaid
- ◆ coimeas a dhèanamh le caitheamh connaidh eadar raon de chàraichean, le fios air a' mhìlteachd gach liotair
- ◆ obrachadh a-mach, le fios air na clàran/cairtean iomchaidh agus figearan:
 - dè na chaidh a dhèanamh de dh'airgead bho na clàran singilte aig àireamh 1 thar na bliadhna a dh'fhalbh
 - dè an uimhir a tha an luchd-ealain no buidhnean ealain air a dhèanamh ann an coimeas ris an neach-dèanaimh
 - cò an luchd-ealain as mothà a rinn de dh'airgead ann am bliadhna
 - an ceudad a tha an neach-ealain a' faighinn, ann an coimeas ris a' chompanaidh clàraidh agus an riaghaltas
- ◆ na clàran lig ball-coise Albannach as ùire a choimhead suas agus ceistean a fhreagairt mar:
 - Dè an sgioba aig a bheil an sgòr chuibheasach as àirde anns gach gèam a chaidh a chluich?
 - Dè an co-chuid de thadhail a chaidh a sgòradh aig an taigh ann an coimeas ri air falbh?
 - Dè an ceudad de thadhail a chaidh a sgòradh leis na còig sgiobaidhean as àirde?

Eadar-mhìneachadh dàta grafaigeach agus suidheachaidhean le coltachd

Aig an ìre seo, bu chòir do thagraichean a bhith comasach co-dhùnadh air cruth iomchaidh airson fiosrachadh sònraichte iomchair. Bu chòir deasbad a dhèanamh air cleachdadh iomchaidh air grafaichean is diagraman agus am priomh fheartan.

Dh'fhaodadh freagarrachd a bhith a' cleachdadh graf-bhogsairchean, diagraman stoc is duilleach, histograman, plotaichean dotaig agus grafaichean tricead tionalach a bhith air a sgrùdadh a thuilleadh air grafaichean nas aithnichte leithid grafaichean-loidhne, graf-cholbhan, clàran-cearcaill agus grafaichean astar-uair.

Dh'fhaodadh grafaichean aig an ìre seo a bhith a' gabhail a-steach beachd-smuaintean nas toinnt leithid grafaichean càileachdail far a bheil suidheachaidhean air nach eil feum air luachan àireamhach a bhith air an riochdachadh.

Bu chòir do thagraichean a bhith comasach air dàta às-tharraing agus eadar-mhìneachadh bhon chlàr.

Sa chùis seo, bu chòir dhaibh a bhith comasach air cosgais àrachas siùbhail airson teaghlaich a dhearbhadh, stèidhichte air ùine agus ceann-uidhe an saor-làithean agus aoisean bhall teaghlaich. Bu chòir do thagraichean cuideachd a bhith comasach air co-dhùnайдhean a dheasbad agus a dhèanamh co-cheangailte ri cosgais roghainnean àrachas siubhail taobh a-staigh buidseat àraidih airson diofar mheudan de theaghlaichean.

Bu chòir dhaibh a bhith comasach air co-dhùnaidhean a dhèanamh agus a mhìneachadh, stèidhichte air measadh cunnairt, mu am bu chòir don teaghlaich air fad a' gabhail a-steach buill teaghlaich aosta, ruighinn air siubhal le àrachas.

Aois	2–15 bliadhna		16–64 bliadhna		65 no corr	
Àireamh oidhcheannan	Roinn Eòrpa	Taobh a-muigh	Roinn Eòrpa	Taobh a-muigh	Roinn Eòrpa	Taobh a-muigh
6–9	£18.20	£33.90	£24.30	£44.50	£30.60	£55.25
10–17	£21.80	£38.25	£28.40	£51.20	£35.25	£63.75
18–23	£24.75	£42.50	£33.20	£56.25	£41.75	£70.50

Eadar-mhìneachadh dàta grafaigeach agus suidheachaidhean le coltachd

A' cleachdadadh clàr-cholbhan fillte, leithid an eisimpleir a chithear gu h-iosal, bu chòir do thagraichean a bhith comasach air dàta às-tharraing agus eadar-mhìneachadh.


Sa chùis seo, dh'fhaodadh iarraidh orra an sùim coimisein obrachadh a-mach agus/no pàigheadh bònais air a chosnad, agus an cosnaiche a choisinn an coimisean a b' àirde a chomharrachadh. Bu chòir dhaibh a bhith comasach air co-dhùnaidhean a dheasbad agus a dhèanamh mu stairsnich a' chompanaidh a thaobh pàigheadh bònais agus coltachd cosnaiche na seachdaine a bhith air a bhuleachadh air gach neach-reic.



Eadar-mhìneachadh dàta grafaigeach agus suidheachaidhean le coltachd

Bho chlàr-cearcaill leithid seo, bu chòir do thagraichean a bhith comasach air dàta às-tharraing agus eadar-mhìneachadh.


Bu chòir dhaibh mar eisimpleir, a bhith comasach air an àireamh do gach seòrsa seilbh a chomharrachadh, le fios air an àireamh iomlan san oighreachd. Bu chòir dhaibh cuideachd a bhith comasach air co-dhùnайдhean a dhèanamh mu na seòrsaichean ro-innleachdan margaideachd a tha freagarrach do gach seilbh.



Eadar-mhìneachadh dàta grafaigeach agus suidheachaidhean le coltachd

Bho ghráf-loidhne leithid seo, bu chòir do thagraichean a bhith comasach air dàta às-tharraing agus eadar-mhìneachadh.

Bu chòir dhaibh a bhith comasach cuideachd, mar eisimpleir, an teòthachd aig àm sam bith den latha a thuairmseadh. Bu chòir dhaibh cuideachd a bhith comasach air co-dhùnaidhean a dhèanamh air gluasad an teòthachd agus ro-innleachdan teasachaidh, a dh'fhaodadh a bhith freagarrach do dhachaighean no oifisean.



Eadar-mhìneachadh dàta grafaigeach agus suidheachaidhean le coltachd

Bu chòir do thagraichean a bhith comasach co-dhùnadh air dòigh iomchaidh air seat sònraichte dàta fhoillseachadh. Dh'fhaodadh ceist a bharrachd a chur orra airson an dàta grafaigeach eadar-mhìneachadh, mar a tha an eisimpleir seo a' sealltainn:

Ann an suirbhidh aig club slàinte, chaidh aoisean sampall de bhoireannaich a' frithealadh a' chlub, a chlàradh:

24	32	51	43	19	25	29	23
31	50	47	30	25	27	18	23
38	28	43	35	52	32	36	18

Anns an t-suirbhidh, chaidh aoisean sampall de fhireannaich a' frithealadh a' chlub, a chlàradh cuideachd:

48	56	62	58	35	35	30	25
20	32	43	28	60	46	37	39
40	55	76	48	47	25	32	48

- a Tarraing diagram staitistigeach iomchaidh airson coimeas a dhèanamh eadar an dà seat dàta sin.
- b Thoir beachd air diofaran sam bith eadar aoisean nam fireannach agus nam boireannach a' frithealadh a' chlub.

Is e diagram stoc is duilleach cùl-ri-cùl a b' iomchaidh a bhiodh, agus dh'fhaodadh diofar ghrafaichean is diagraman a bhith air an tarraig. Dh'fhaodadh tagraichean dà ghraf-bhogsaiscean le sgèile choitcheann a tharraing. Dh' fhaodadh gun cuir cuid de thagraichean an dà sweat dàta còmhla ann am buidheann a' cleachdadh raointeann-clas agus an uair sin graf-cholbhan fillte a tharraing. Dh'fhaodadh deasbad air na diofar sheòrsaiscean fhreagairtean a th' ann. Anns a' phàirt bheachd den cheist, bu chòir tagraichean a bhrosnachadh gu beachd a thoirt air a' bhuidheann (fir no mnathan) a tha coltach a bhith nas sine agus air an sgaoileadh aoisean do gach buidheann.

Eadar-mhìneachadh dàta grafaigeach agus suidheachaidhean le coltachd

Bu chòir do thagraichean a bhith comasach air na sgilean àireamhach agus grafaigeach aca a chothlamadh airson clàr-clearcaill a thogail. Tha seo ag iarraidh iomlan obrachadh a-mach, ag obrachadh a-mach cheàrnan agus a' cleachdadh protractair is combaist airson an clàr-clearcaill a tharraing. Dh'fhaodadh eisimpleir a chleachadh mar am fear gu h-ìosal bho cho-theacsa biadh fallain.

Chaidh suirbhidh a choileanadh ann an sgoil a dh'fhaighinn a-mach dè cho measail 's a bhathar air na measan a bhathar a' tairgsinn san talla-bìdh.

Tha toraidhean na suirbhidh rim faicinn gu h-ìosal.

Am meas as fheàrr leotha	Bhòtaichean oilleanaich
Fìon-dhearc	25
Orainsear	20
Ubhal	60
Peur	15
Banana	80

Dèan clàr-clearcaill gus am fiosrachadh seo a nochdad.

Eadar-mhìneachadh dàta grafaigeach agus suidheachaidhean le coltachd

Dh'fhaodadh ceistean fhaighneachd do thagraichean a thaobh graf de thricead tionalach.

Dh'fhaodadh an gniomh seo an seòrsa graf seo a chur an aithne ann an dòigh inntinneach. Faodaidh an leth-raon eadar-chairtealach (SIQR) a thuairmseadh bho ghráf de thricead tionalach agus 's e tomhas feumail a tha seo a thaobh cunbalachd no earbsachd toraidh no seirbheis. Bhiodh coimeasadh an SIQR airson dà seat dàta na leudachadh feumail don seo gu gnìomhachd.

Bu chòir cuideam a chur air na prìomh phuingean ann an tarraing diagram de thricead tionalach:

- ◆ Bu chòir don axis tricead tionalach a bhith dìreach.
- ◆ Bu chòir gum biodh na h-axes air an leubaileadh gu soilleir.
- ◆ Bu chòir don sgèile chòmhnhard a bhith leantainneach, 's e sin, 1200, 1300, 1400, is eile.
- ◆ Bu chòir an tricead tionalach a phlotadh mu choinneamh a' chuibhreachaидh as àirde den raon-clas.
- ◆ Bu chòir lùb (ogive) grinn a chleachdadadh airson na puingean a cheangal.

Dh'fhaodadh eisimpleir mar am fear gu h-iosal bho cho-theacsà àite-obrach, a chleachdadadh.

Tha companaidh a' dèanamh lampaichean de àrd-chumhachd. Chaidh sampall de 100 de na lampaichean sin a thaghadh air thuaiream gus am fad-beatha a lorg.

Tha na toraidhean air an nochdadadh gu h-iosal.

Fad-beatha lampa (t uairean)	Tricead
$1200 \leq t < 1300$	4
$1300 \leq t < 1400$	10
$1400 \leq t < 1500$	16
$1500 \leq t < 1600$	24
$1600 \leq t < 1700$	20
$1700 \leq t < 1800$	14
$1800 \leq t < 1900$	8
$1900 \leq t < 2000$	4

- a Tog colbh tricead tionalach airson an dàta.
- b A' cleachdadadh pàipear ceàrnagach, tarraing diagram tricead tionalach don dàta seo.
- c Bhon diagram agad, tuairmsich meadhan agus cairtealan fad-beatha lampa.
- d Tuairmsich an raon eadar-chairtealach.

Eàrr-ràdh 4: fiosrachadh pàipear cheistean

Tha am measadh cùrsa air a dhèanamh suas à dà phàipear cheistean a bhos a' measadh:

- ◆ dèanamh anailis agus eadar-mhìneachadh air uidheachaidhean fior-bheatha agus ceistean an lùib matamataig ann an uidheachaidhean ùra agus neo-aithnichte roimhe
- ◆ taghadh agus amalachadh sgilean obrachail matamataig bho tharsainn a' chùrsa gus dèiligeadh le uidheachaidhean no ceistean fior-bheatha
- ◆ co-chur raon de sgilean obrachail matamataigeach gu ìre mionaideachd iomchaidh le agus às aonais cuideachadh bho àireamhair
- ◆ cleachdadh sgilean reusanachaidh matamataigeach airson a thiginn gu co-dhùnaidhean no co-dhùnaidhean fhìreanachadh
- ◆ conaltradh fiosrachadh matamataigeach ann an dòigh iomchaidh

Bidh na pàipearan cheistean a' samplachadh earrann 'Sgilean, eòlas agus tuigse' den t-sònradh cùrsa.

Bidh an t-sampall seo a' tarraig air na sgilean, eòlas agus tuigse uile bho gach aon de na raointe an leanas:

- ◆ sgilean reusanachaidh
- ◆ sgilean ionmhasail
- ◆ sgilean staitistearachd
- ◆ sgilean tomhais
- ◆ sgilean geoimeatrach
- ◆ sgilean àireamhach
- ◆ sgilean eadar-mhìneachaidh

Is iad na facail òrdughail na gnìomharan no na h-abairtean gnìomharach air an cleachdadhean ann an ceistean is gnìomhan-obrach a bhos ag iarraidh air tagraichean sgilean, eòlas agus tuigse shònraichte a thaisbeannadh. Airson eisimpleirean de chuid de na facail òrdughail air an cleachdadhean sa mheasadh seo, thoir sùil air [seann phàipearan agus sampall de phàipear cheistean](#) air an duilleig cuspair.

Tha am measadh cursa air a dhèanamh suas à dà phàipear cheistean:

	Pàipear 1 (gun àireamhair)	Pàipear 2 (sgrùdaidhean cùise)
Ùine	50 mionaidean	1 uair agus 40 mionaidean (gabhair a-steach ùine airson fiosrachadh sgrùdadh cùise a leughadh agus a chnuasachadh)
Comharran	35	55
Sgilean	<p>Is e adhbhar pàipear cheist 1 ceadachadh do thagraichean, gun chuideachadh bho àireamhair, tuigse do raon de sgilean reusanachaидh is obrachail matamataigeach a thaisbeanadh, agus an taghadh, an co-chur agus an cothlamadh gus àireamhachaidhean a choileanadh ann an suidheachaidhean fior-bheatha.</p> <p>Tha cothroman aig tagraichean cuideachd sgilean a thaisbeanadh ann an eadar-mhíneachadh agus taisbeanadh fiosrachaيدh.</p> <p>Bidh ceistean a' samplachadh nan sgilean àithnteil, eòlas agus tuigse bhon t-sònrrachadh cursa.</p>	<p>Is e adhbhar pàipear cheist 2 ceadachadh do thagraichean co-chur agus leudachadh air sgilean matamataigeach, eòlas agus tuigse a thaisbeanadh, bho tharsainn a' chùrsa tro chleachdadhean sgrùdadh cùise. Faodar àireamhair a chleachdadhean.</p> <p>Tha am pàipear cheistean seo a' toirt cothrom do thagraichean ceistean no suidheachaidhean fior-bheatha eadar-mhíneachadh agus a mhion-sgrùdadh, ro-innleachdan iomchaيدh a thaghadh, àireamhachaidhean a choileanadh agus tighinn gu co-dhùnaidhean dligheach no co-dhùnaidhean fhìreanachadh.</p> <p>Bidh ceistean a' samplachadh nan sgilean obrachail matamataigeach bhon t-sònrrachadh cursa.</p>
Seòrsa ceist	Geàrr-fhreagairt agus freagairt leudaichte	Geàrr-fhreagairt agus freagairt leudaichte stèidhichte air stuth stòir
Seòrsa pàipear cheistean	Pàipearan cheist structaraichte: tha an dà phàipear nam pàipearan ceist-agus-freagairt anns a bheil beàrnan airson freagairtean.	
Co-chuid de cheistean ire 'C'	Cleachdaidh mòran cheistean modh-obrach ceumach gus a dhèanamh cinnteach gu bheil cothroman aig tagraichean an comasan a thaisbeanadh seachad air ire 'C'. Bidh tuairmseach 65% de na comharran rim faotainn airson freagairtean ire 'C'.	
Cothromachd de sgilean	Bidh sgilean obrachail is reusanachaيدh air am measadh san dà phàipear cheistean. Bidh cuid de cheistean a' measadh sgilean obrachail a-mhàin ach bidh a' mhòr-chuid de cheistean ag iarraidh beagan reusanachaيدh cuideachd.	

Fiosrachadh rianachd

Foillsichte: An Cèitean 2023 (tionndadh 3.0)

Eachdraidh nan atharrachaidhean don t-sònrrachadh cursa

Tionndadh	Cunntas air atharrachadh	Ceann-latha
2.0	Notaichean taic cursa air an cur ris mar eàrr-ràdh.	An Cèitean 2017
2.1	Fiosrachadh a' phàipeir cheistean air a chur ris mar eàrr-ràdh.	An t-Sultain 2017
3.0	Ùine agus comharran a'phàipear cheistean ath-leasaichte.	An Cèitean 2023

Faodaidh an sònrrachadh cursa seo a bhith air ath-thoradh ann am pàirt no gu h-iomlan airson adhbharan foghlaim, fhad 's nach eil prothaid sam bith a' tighinn às an ath-thoradh, agus gun tèid gabhail ris an stòr le ath-thoradh am pàirt. Faodar lethbhreacan a bharrachd a luchdachadh a-nuas bho làrach-lìn SQA aig www.sqa.org.uk.

Nota: Thathar a' comhairleachadh dhuibh làrach-lìn SQA a sgrùdadadh gus a dhèanamh cinnteach gu bheil sibh a' cleachdadadh an tionndaidh as ùire den t-sònrrachadh cursa.